

書首

春秋集註

七八九十

館書圖京東			
五	五	別	一經
七	八	二	書
冊	號	架	函類

漢書門			
	五	九	一
	五	九	一
五	七	九	一
冊	架	函	號類

庫文閣內			
二	五	五	漢
七	九	一	書
冊	架	號	類

不許帶出

內閣文庫	
番號	漢 5915
冊數	57 (31)
函號	275 243




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





春秋四傳卷之七

淺草文庫



莊公一

公名同桓公之子母文姜夫人哀姜年十四歲即位在三十二年

二年諡法勝敵克亂曰莊

周

魯莊公十二年莊王崩子僖王立。莊十七年僖王崩孫惠王立。

鄭

魯莊公十四年鄭傅瑕殺子儀而納厲公。莊二十一年厲公卒子文公立。

齊

魯莊公八年襄公弒。莊九年齊桓公小白入于齊。是年齊管仲為政。

宋

魯莊公二年宋莊公卒子閔公捷立。莊十二年閔公弒弟桓公御說立。

晉

翼晉侯緡之二十七年魯莊公之十六年也。曲沃武公伐晉滅之。曲沃武公二十

三年魯莊公十六年滅晉侯緡。周僖王命曲沃伯以一軍為晉侯始更號曰晉魯莊

公十七年武公卒。
子獻公侂諸立。

衛 魯莊公六年。齊納惠公。放黔牟于周。
莊二十五年。惠公卒。子懿公赤立。

蔡 魯莊公十年。楚敗蔡師。執哀侯以歸。莊十
九年。哀侯卒于楚。蔡人立其子盼為繆侯。

曹 魯莊公二十三年。曹莊公卒。子僖公夷立。
魯莊公三十二年。僖公卒。子昭公班立。

滕 詳見隱
公元年。

陳 魯莊公元年十月。莊公
卒。子宣公杵臼立。

杞 詳見隱公元年。
及僖公元年。

薛 魯莊公三十
一年。薛伯卒。

邾 魯莊公十六年。邾子克卒。即儀父也。邾子
瑣立。莊公二十八年。邾子瑣卒。文公遽蒞

立。

許 許叔入許五年。即僖公
四年。許穆公新臣也。

小邾 魯莊公五年。邾黎來
朝。詳見隱公元年。

楚 魯莊四年。武王卒。子文王熊賁立。莊十九
年。文王卒。子堵敖熊難立。莊二十二年。熊

惲弒兄堵敖代立。是為楚成王。史記以莊
十八年為堵敖元年。堵敖立五年。遇弒。楚

成立十六年。齊桓公以兵侵楚。至
陘。莊公三十年。楚子文為令尹。

秦 詳見隱
公元年。

吳 詳見隱
公元年。

越 詳見隱
公元年。

戊子四年元年 齊襄五年 晉緡十二年 衛惠七年 鄭厲八年 曹莊九年 陳莊七年 卒 杞靖十一年 宋莊十七年 秦武五年 楚武四十八年

春王正月

左傳不稱即位 文姜出故也 公羊傳公何以不言即位 春秋君弒子

不言即位 君弒則子何以不言即位 隱之也 孰隱 隱子也 穀梁傳繼弒君不言即位 正也 繼弒君不言即位之為正何也 曰先君不以其道終 則子不忍即位也

胡傳

不書即位 內無所承 上不請命也 或曰莊公嫡長 其為儲副明矣 雖內無所承 上不請命 獨不可以享國而書即位乎 曰諸侯之嫡子必誓於王 莊雖嫡長而未誓 安得為國儲君 副稱世子也 夫為世子必誓於王 為諸侯可以內無所承 上不請命 擅有其國 即諸侯之位 耶 春秋繼而不書 父子君臣之大倫正矣

○集解云 備副太子也
○誓約誓也 諸侯之子士也 王與之誓 然後為世子 賜之爵 然後為繼世 為諸侯 所以誓與爵必於王者 明有耶 尊不敢自尊也

三月夫人孫于齊

左傳不稱姜氏 絕不為親 禮也 公羊傳孫者何 孫猶

○林氏曰 夫人莊公母也 曾人責之 故出孫內 諱奔 謂之孫 猶言孫讓而去

孫也 內諱奔 謂之孫 夫人固在齊矣 其言孫于齊 何 念母也 正月以存君 念母以有事 太人何以不稱姜氏 貶曷為貶 與弒公也 其與弒公 奈何 夫人譖公於齊侯 公曰 同非吾子 齊侯之子也 齊侯怒 與之飲酒 於其出焉 使公子彭生送之 於其乘焉 擗幹而殺之 念母者所善也 則曷為於其念母焉 貶不與念母也 穀梁傳孫之為言 猶孫也 諱奔也 接練時錄母之變 始人之也 不言氏 姓 喪之也 人之於天也 以道受命 於人也 以言受命 不若於道者 天絕之也 不若於言者 人絕之也 臣子人受命

胡傳

夫人文姜也 桓公之弒 姜氏與焉 為魯臣子者 義不共戴天矣 嗣君夫人所出也 恩如之何 徇私情 則害天下之大義 舉王法 則傷母子之至恩 此國論之難

○連叢子云 梁人娶後妻 後妻殺夫 其子又殺之 季荻過 梁 梁相曰 此子當以太逆論 禮 繼母如母是殺

每也季康曰言知母則與親母不等欲以義督之也昔文姜與魯曾祖春秋去其姜氏傳曰不稱姜氏純不為親禮也純不為親則凡人爾且夫手殺重於知情知情尤不得為親則此下手之時母名純矣方之古義是子宜以非司冠而擅殺當之不得為殺母而論以人逆也梁相從之

○林氏曰單伯天子之卿采地詩也王將嫁女子齊既命魯為主故單伯送女不稱使也至姬不稱字以王為尊且別於內女也嫁女於諸侯使同姓諸侯主之不親昏尊卑不敵也

○集解云逆左傳作送以送言則單伯者自周而送也以逆言則單伯者自魯而逆也然以書法考之既使魯為主則當先逆而有送今不見逆而先書送無是理也故此去逆而言亦公穀文也

斷者也經書夫人孫于齊而恩義之輕重審矣梁人有繼母殺其父者而其子殺之有司欲當以大逆孔季彥曰文姜與弑魯桓春秋去其姜氏傳謂絕不為親禮也夫絕不為親即凡人耳萬諸古義宜以非可寇而擅殺當之不得以逆論也人以為允故通於春秋然後能權於天下之事矣孫者順讓之辭使若不為人子所逐以全恩也哀姜去而弗返文姜即歸于魯例以孫書何也與聞弑桓之罪已極有如去而弗返深絕之也然則恩輕而義重矣河廣之詩其詞何取而聖人錄于國風者明宋襄公之重本亦此義也其垂訓遠矣

夏單伯逆王姬

單音善後同逆左作送公羊傳單伯者何吾大夫之命乎天子者何何以不稱使天子召而使之也逆之者何使主之也曷為使主之天子嫁

女子諸侯必使諸侯同姓者主之諸侯嫁女于大夫必使大夫同姓者主之穀梁傳單伯者何吾大夫之命乎天子者何命大夫故不名也其不言如何也其義不可受於京師也其義不可受於京師何也曰躬君弑於齊使之主婚姻與齊為禮其義固不可受也此明忘其義固不可受也

胡傳

單伯者吾之命大夫也逆王姬使我為之主也其不言如者穀梁子以為義不可受於京師也躬君弑于齊使之主婚姻與齊為禮其義固不可受也此明忘親釋怨則無以立大之道矣

秋築王姬之館于外

左傳為外禮也公羊傳禮也于外非禮也于外何以非禮築于外非禮也其築之何以禮主王姬者必為之改築主王姬者則何為必為之改築於路寢則不

可小寢則嫌羣公子之舍則以卑矣其道必
為之改築者也穀梁傳築禮也于外非禮也
築之為禮何也主王姬者必自公門出於廟
則已算於寢則已卑為之築節矣築之外變
之正也築之外變之為正何也仇讐之人非
所以接婚姻也衰麻非所以接弁冕也其不
言齊侯之來迎何也不使齊侯得與吾為禮也

胡傳

魯於王室為懿親其主王姬亦
館於國中必有常處今特築之於外
者穀梁子以為仇讐之人非所以接婚姻
也衰麻非所以接弁冕也知其不可故特
築之于外也築之於外得變之正乎曰不
正有三年之喪天主於義不當使之王有
不戴天之讐莊公於義不可為之主築之
於外之為宜不若辭而弗主之為正也是
以君子貴端本焉或曰天主有命固不可
辭使單伯逆于京師上得尊周之義為之

○世礼云父之離不

○陳哲云薛王命而
不受明婚媾而不生
以仇讐為念而不失
為喪之礼焉則本端
矣

○陳哲曰凡喪無外事有門庭之冠在於不得言首則有馬前非不得已不可也婚姻之
事其可乎哉况復與仇相接為礼乎以為喪而接婚姻不念殺父之惡而相與為礼是廢人
之六倫滅天下之大理為人道之失孰有過於此者乎此春秋之不得已也

築館于外下未失居喪之禮奚為不可曰
以常禮言之可也今莊公有父之讐方居
苦塊此禮之大變也而為之主婚是廢人
倫滅天理矣春秋於此事一書再書又再
書者其義以復讐為重示天下後世臣子
不可忘君親之意故雖築館于外不以爲
得禮而特書之也

冬十月乙亥陳侯林卒穀梁傳諸侯 ○王使

祭叔來錫桓公命此書錫命之始公羊傳錫

也其言桓公何追命也穀梁傳禮有受命無
來錫命錫命非正也生服之死行之禮也生
不服死追錫
之不正甚矣

胡傳

吹助曰不稱天子寵篡弒以瀆三綱
也春秋書王心稱天所履者天位也

○林氏曰樂叔周大
夫追錫桓公命若昭
元年追命衛襄之此
此錫命之始桓弒君
元自立不請命而王
追錫命故王不稱天

○范寤晉人註蒙梁傳

○集解云逆于京師
集館于外猶是平常
之事人未知其故但
見聖人書法如此耳
及書出歸于齊始知
齊本與魯為仇讎今
乃與接婚姻之事左
知聖人之書有深意
也今人觀之豈不慘
然有動于中而生痛
恨哉

○林氏曰此遷邑之
始齊欲滅紀故遷其
紀之民而取其地

所行者天道也。所賞者天命也。所刑者天
計也。今桓公弑君篡國而王不能誅反追
命之無天甚矣。桓無王王無天其失非小
惡也。與葬成風引為夫人使妾並嫡無以
異故其文一施之范甯乃以出居一鄭來
聘求車三事為證而謂非義之所存誤矣
王姬歸于齊公羊傳何以書我主之也

胡傳魯主王姬之嫁舊矣在他公時常事
不書此獨書者以歸于齊故也逆于
京師築館于外而不書歸于齊則無以見
其罪之在也書歸于齊而後忘親釋怨之
罪著矣春秋復
讐之義明矣

齊師遷紀邾郚部邾蒲于反郚子斯反郚音
吾此書遷之始公羊傳遷
之者何取之也取之則曷為不言取之也為
襄公諱也外取邑不書此何以書大之也何

大爾自是始滅也穀梁傳紀國也
邾郚部也或曰遷紀于邾郚部

胡傳邾郚部者紀二邑也邑不言遷遷不
守而齊人強暴用大眾以迫之為屬也
凡書遷者自是而滅矣春秋興滅國繼絕
世則遷國邑者不
再貶而罪已見矣

四年莊王五年齊襄六年晉緡十三衛惠八黔牟
四蔡哀三鄭厲九子儀二曹莊
十陳宣公杵臼元年杞靖十二宋
莊十八卒秦武六楚武四十九春王二月

葬陳莊公○夏公子慶父帥師伐於餘丘

傳於餘丘者何邾婁之邑也曷為不繫于邾
婁國之也曷為國之君存焉其穀梁傳國而
曰代於餘丘邾之邑也其曰伐何也公子貴
矣師重矣而敵人之邑公子病矣病公子所

必譏平公也其一曰君在而重之也

胡傳

按二傳於餘立邾邑也國而曰伐此也莊公幼年即位首以慶父主兵卒致子般之禍於餘立法不當書聖人特書以誌亂之所由為後戒也魯在春秋中見弒者三君其賊未有不得魯國之兵權者公子翬再為主將專會諸侯不出隱公之命仲遂擅兵兩世入祀伐邾會師救鄭三軍服其威令之日久矣故翬弒隱公而為氏不能明其罪慶父弒子般而成季不能過其惡公子遂殺惡及視而叔仲惠伯不能免其死夫豈一朝一夕之故哉春秋所書為戒遠矣

秋七月齊王姬卒

公羊傳外夫人不卒此何以卒錄焉爾曷為錄焉爾

○子般莊公子也公薨子般即位慶父使圍入筮弒之丁黨氏

○三君隱公子殺慶父也

○西世傳公文公也

○入祀傳公二十七

年有也

○伐邾傳公三十三

年有也

○會師救鄭文公九年有也

○集解云魯女謂之

內女

○檀弓人姓名孔子

也記禮者因以

各篇

○孟子盡心篇朱註

云一年之喪服之重

者也總麻三月小功

五月服之輕者也

○陳善云婦主中饋

惟事酒食衣服之禮

耳易曰無夜逐在中

饋皆無外事之意

我主之也穀梁傳為之主者卒之也

胡傳

內女嫁為諸侯妻則書卒王姬何以卒故檀弓曰齊告故為之服姊妹之服夫服稱情而為之節者也莊公於齊王姬厚矣如不其戴天之祭也特卒王姬以著其罪

冬十有二月夫人姜氏會齊侯于禚

左傳書女嫁也穀梁傳婦人既嫁不踰竟踰竟非正也婦人不言會言會非正也饗甚矣

胡傳

婦人無外事送迎不出門見兄弟不踰閭在家從父既嫁從夫夫死從子今會齊侯于禚是莊公不能防閑其母失子道也故趙匡曰姜氏齊侯之惡著矣亦

○游當之詩以爲刺
桓公今以是推之誠
則若公爲是也

所以病公也。曰子可以制母乎。夫死從子
通乎其下。况於國君。君者人神之主。風教
之本也。不能正家如正國。何若莊公者。哀
痛以思父。誠敬以事母。威刑以督下。車馬
僕從莫不侯命。夫人從往乎。夫人之往
也。則公威命之不行。哀戚之不至。爾

乙酉宋公馮卒馮皮
水反

庚莊王三年齊襄七。晉緡十四。衛惠九。黔牟
六年五。蔡哀四。鄭厲十。子儀三。曹莊
十一。陳宣二。杞靖十三。宋閔
公捷元年。秦武七。楚武五。

春王正月溺會齊師伐衛左傳疾之也。公全
傳溺者何。吾大夫

之未命者也。**穀梁傳**溺者何也。公子溺也。其
不稱公子何也。惡其會以讐言而伐同姓。故貶
而名之也。

○集解云衛康叔之後康叔周公弟也故與魯爲同姓之國

胡傳穀梁子曰此公子溺也。其不稱公子
何也。惡其會仇讐。伐同姓。故貶而名
之也。有父之讐。而釋死。其罪大
矣。况與合黨興師伐人國乎。

夏四月葬宋莊公穀梁傳月
葬故也 ○五月葬桓主

左傳緩也。公全傳此未有言崩者。何以書葬。
蓋改葬也。**穀梁傳**傳曰改葬也。改葬之禮。總
舉下。細也。或曰欲以。求諸侯。天子志崩不
志葬。必其時也。何必焉。舉天下而葬。人其
義不疑也。志葬故也。危不得葬也。日近不失
節。不志崩失天下也。獨陰不生。獨陽不生。獨
天不生。三合然後生。故曰母之子也。可天
子也。可尊者取尊。稱焉。卑者取卑。稱焉。其曰
王者民之
所歸往也。

胡傳左氏曰緩也。天子七月而葬。同軌畢
至。諸侯五月同盟至。大夫三月同位

○襄公隱公元年

○自桓公十五年崩至是凡七年

○林氏云季絕侯弟鄆紀邑齊公滅紀故季以邑入齊為附庸先祀不廢社稷有奉故書字貴之也

○宋辰宋景弟見京公十年

○秦鍼秦景公弟事見昭公元年

○蔡季蔡桓侯弟見桓公十七年
○許叔許莊公弟即許傳公事見桓公十五年

○禮記祭法曰諸侯五廟一壇一墀曰考廟曰王考廟曰皇考廟皆日祭之類考廟考廟考廟草堂乃止

○何氏曰入者難詞賢季有難去兒入齊之心

○林氏曰滑鄭地此書次之始

○陳哲云譏其畏齊不意救紀也

至士踰月外姻至王崩至是蓋七年矣生儒或言天子不志葬又以為不言葬者當也夫事孰有火於葬天子者而可以不志乎死生終始之際人道之大變豈以是為常事而不書也

秋紀季以鄆入于齊鄆戶圭反左傳紀於是乎始鄆公年傳紀季者

何紀侯之弟也何以不名賢也何賢乎紀季服罪也其服罪奈何魯子曰請後五廟以存姊妹穀梁傳鄆紀之邑也入于齊者以鄆事齊也入者內弗受也

胡傳大夫不得用也公子不當去國盜地以下敵棄君以避患非人臣也故春秋之義私逃者必書奔有罪者必加貶今季不書奔則非竊地也不書名則非貶也諸侯兄弟則書名宋辰秦鍼之類是也

不貶則書字蔡季許叔之類是也紀季所

以不書奔者有紀侯之命矣所以不書名者天下無道強衆相陵天子不能止方伯不能伐屈已事齊請後立廟其亦不得已而為之者非其罪也所以無貶乎入云者難詞也

冬公次于滑滑公穀作即左傳將會鄭伯謀紀故也鄭伯辭以難凡師一宿為舍再宿為信過信為次公羊傳其言次于

即何刺欲救紀而後不能也穀梁傳次止也紀而不能也

胡傳穀梁子曰次止也有畏也欲救紀而不能也春秋紀兵伐而書次以次為善救而書次以次為譏次于滑譏之也曾

紀有婚姻之好當恤其患於齊有父之讐不共戴天苟能救紀抑齊一舉而兩善矣見義不為而有畏也春秋之所惡故書

○周易謙卦六五象
辭曰利用侵伐征不
服也○同師卦六四
象辭曰左次無咎未
失常也○程傳曰左
次退舍也

○陳哲曰謂其心願
義禮而縱活泆之甚
不可勝言也故穀梁
曰享其矣享齊侯所以病齊侯也

○林氏曰自姜以
非邦交之舊矣

公次于滑以譏之也。或言夫子意在刺無
王命若譏其怯懦則當褒其勇者春秋乃
鼓亂之書為此言者誤矣。易於論之六五
則曰利用侵伐師之六四則曰左次無咎
進退勇怯顧義如何耳豈可
專以勇為鼓亂而不與乎。

辛 莊王 四年 齊襄八。晉緡十五。衛惠十。黔牟
七年。六蔡哀五。鄭厲十一。子儀四。曹
莊十二。陳宣三。杞靖十四。宋
閔二。秦武八。楚武五十。

春王二月夫人姜氏享齊侯于祝丘。
享公穀
作饗穀

梁傳饗其矣饗齊
侯所以病齊侯也

胡傳 享者兩君之禮所以訓恭儉也。兩君
相見享于廟中禮也。儀象不出門嘉
樂不野合非兩君相見又
去其國而享諸侯甚矣。

三月紀伯姬卒。
穀梁傳外夫人不卒此其言
卒何也吾女也適諸侯則尊
同以吾為之
變卒之也

附錄 左傳 四年春王三月楚武王荆尸授
師焉以伐隨將齊入告夫人鄧曼
曰余心蕩鄧曼歎曰王祿盡矣盈而蕩天
之道也先君其知之矣故備武事將發太
命而蕩王心焉若師徒無虧王薨于行國
之福也王遂行卒於櫛木之下令尹關祈
莫敖屈重除道梁差營軍臨隨隨人懼行
成莫敖以王命入盟隨侯且請為會於漢
湘而還濟漢
而後發喪

夏齊侯陳侯鄭伯遇于垂

胡傳 蘇轍曰鄭伯子儀也桓十七年書突
出奔蔡忽歸于鄭是年九月突於

○襄公十四年衛蘇
公齊衛人立公孫
期

○集解云春秋之時
惟強是與當是時厲
公強子儀弑故齊陳
所與遇者是厲公也

標十七年高渠彌弑忽立子亶
襄公殺子亶鄭人立子儀莊十四年突使
傅瑕弑子儀而入則遇于垂者子儀也然
則鄭有二君可乎春秋有二國而二君者
鄭突與儀衛行與則也突行始終為君
子儀君鄭十有四年則君衛十有一年皆
能君者也故春秋因其實而君之然則孰
與曰皆不與也突之入以篡行之出以惡
儀剽雖國人所立而突行在焉非所以為
妄也故四人者春秋莫適與也皆不沒其
實耳君子不幸而處此如子臧季札可也
不如此是則亂不止為此說者善矣然而鄭
伯實厲公也
非子儀也

紀侯大去其國

左傳紀侯不能下齊以與紀
季夏紀侯大去其國違齊難
也公羊傳大去者何滅也孰滅之齊滅之曷
為不言齊滅之為襄公諱也春秋為賢者諱

○林氏曰以國與季季奉社稷故不言滅不言迫逐故不言棄大去者不返之詞

何賢乎襄公復讐也何讐爾遠祖也哀公享
乎周紀侯諸之以襄公之為於此焉者事祖
禰之心盡矣盡者何襄公將復讐乎紀上之
日師喪分焉寡人死之不為不吉也遠祖者
幾世乎九世矣九世猶可以復讐乎雖百世
可也家亦可乎曰不可國何以可國君一體
也先君之耻猶今君之耻也今君之耻猶先
君之耻也國君何以為一體國君以國為體
諸侯世故國君為一體也今紀無罪此非怒
與曰非也古者有明天子則紀侯必誅必無
紀者紀侯之不誅至今有紀者猶無明天子
也古者諸侯必有會聚之事相朝聘之道號
辭必稱先君以相接然則齊紀無說焉不可
以並立乎天下故將去紀侯者不得不去紀
也有明天子則襄公得為若行乎曰不得也
不得則襄公曷為為之上無天子下無方伯
緣恩疾者可也穀梁傳大去者不遺一人之
辭也言民之從者四年而後畢也紀侯賢而

集解

○疏曰昔出曲礼上篇與檀弓上篇何氏差約而為此言也檀弓云從父昆弟之讎故此何氏以九族言之助禮云交遊之讎故此何氏以朋友言之

為與微者符齊侯也齊侯則其稱人何諱與讐符也前此者有事矣後此者有事矣則曷為獨於此焉譏於讐者將壹譏而已故擇其重者而譏焉莫重乎其與讐符也於讐者則曷為將壹譏而已讐者無時焉可與通通則為大譏不可勝譏故將壹譏而已其餘從同穀梁傳齊人者齊侯也其曰人何也甲公之敵所以甲公也何為甲公也不復讐而怨不釋刺也

胡傳

穀梁子曰齊人者齊侯也其曰人何也甲公之敵所以甲公也何為甲公不復讐而怨不釋刺釋怨也父母之讐不共戴天兄弟之讐不與同國九族之讐不同鄉黨朋友之讐不同市朝今莊公與齊侯不與共戴天則無時焉可通也而與之待是忘親釋怨非人子矣夫符者馳騁田獵其為樂下主乎已一為乾豆其事上主

平宗廟以為有人人心者宜於此焉變矣故齊侯稱人而魯公書及以著其罪

壬

莊王五年 齊襄九 晉緡十六 衛惠十一 黔牟七 蔡哀六 鄭厲十一 子儀五

曹莊十三 陳宣四 杞靖十五 宋閔三 秦武九 楚文七 熊

春王正月 夏夫人姜氏如齊師 穀梁傳師而曰如矣

婦人既嫁不踰竟踰音非禮也

胡傳

師者衆多之地按齊詩載驅刺襄公無禮義盛其車服疾驅於通道大都與文姜淫之詩也其三章曰汶水湯湯行人彭彭曾道有蕩齊子翱翔彭彭者多貌也其四章曰汶水滔滔行人儻儻曾道有蕩齊子遊遨儻儻者衆貌也曰會曰享猶

○朱子詩傳曰此亦文姜之詩蓋序論之誤今此為說者亦斷章取意云尔

○陳善曰蓋師即是詩言彭之德之意所以翽翽遊遊見其無恥也

○林氏曰附庸國也黎來名後為小邾子

○林氏曰其後數從齊桓公以尊周室王命以為小邾子

為之名也。至是如齊師羞惡之心亡矣。夫人之行不可法。制矣。春秋書此以戒後世。謹禮於微慮患於早之意也。

秋邾黎來來朝邾公作倪黎左作黎左傳名邾也小邾婁則曷為謂之倪未能以其名通也黎來者何名也其名何微國也穀梁傳之君未爵命者也

胡傳邾國也黎來名也國何以名夷狄之附庸也中國附庸例書字邾儀父蕭叔是也夷狄附庸例書名邾黎來介葛盧是也能脩朝禮故特書曰朝其後王命以為小邾子蓋於此已能自進於禮矣

冬公會齊人宋人陳人蔡人伐衛左傳冬伐衛納惠公

○集解云伐衛為納惠公朔也王不欲為禘而齊宋主之以納之故謂其逆王命也○疏曰四國皆從而獨也○公羊傳何納胡也曷為不言納衛侯朔辟王也穀梁傳是齊侯宋公也其曰人何也人者侯所以人公也其公公何也逆天主之命也

胡傳穀梁子曰是齊侯宋公也其曰人何也人者侯所以人公也其人公何也逆天主命也桓公十六年衛侯朔出奔齊經書其名者以王命絕之也又黨有罪以納之故貶而書人

○林氏曰書救始此自救衛無功而後王命益不行於天下

癸酉九年六年齊襄十晉緡十七衛惠十二黔牟八蔡哀七鄭厲十三子儀六曹莊十四陳宣五杞靖十六宋閔四秦武十楚文二春王正月正月公穀王人子突救衛書救始

六年春王人救衛公羊傳王人者何微者也子突者何貴也貴則其稱人何繫諸人也曷

為繫諸人王人耳穀梁傳王人里者也稱名貴之也善救衛也救者善則伐者不正矣

胡傳王人微者子突其字也以下士之微

○集解云王朝大夫例稱字下士列稱人王人下士也而書字是超從大夫之列也

○天子稱上也祝職鄭大夫也事見桓五年王伐鄭下

○陳哲曰王人書字獨也五國書入貶也

胡陷其兄使至於死罪固大矣然其父所立諸侯莫得而治也王治其善惡而廢之可也又藉諸侯之力抗王命以入國是故四國之君貶而稱人王人之微嘉而書字或曰子突王之子弟也用兵大事而委諸子弟使無成功故書人以譏之必若此言是春秋以成敗論事而不計理也使諸侯苟顧逆順之理子突雖微自足以申王命矣彼旣肆行莫之顧也雖天子親臨將有請從如祝職者況其下乎子突不勝五國使之得入也其亦不幸焉爾矣幸不幸命也守義循理者法也君子行法以俟命故其褒貶如此

夏六月衛侯朔入于衛

左傳夏衛侯入於衛

于秦殺左公子洩右公子職乃即位君子以二公子之立黔牟為不度矣夫能固位者必慶於本末而後立衷焉不知其本不謀知本之不枝弗強詩云本枝百世公羊傳衛侯朔何以名絕曷為絕之犯命也其言入何篡也穀梁傳其不言伐衛納朔何也不逆天王之命也入者內弗受也何用弗受也為以至命絕之也朔之名惡也朔入逆則出順矣朔出入名以王

秋公至自伐衛

公羊傳曷為或言致

我得意致會不得意致伐衛侯朔入於衛何以致伐不敢勝天子也穀梁傳惡事不致此其致何也不致則無用見公之惡事之成也

胡傳

入有義難詞也一逆詞也朔藉諸侯之力連五國之師距王官之微

○集解云以正取國
如小白陽生於齊之

○書序云夏師敗績
湯遂從之遂伐三國
俘厥寶玉蔡氏曰三國國名今定陶也俘取也孔氏曰樂毅寫而行焉於三國

○左傳云文姜請之也林氏曰公親與齊共伐衛事畢而還文姜泚齊侯故求所獲珍玉
使以歸魯欲以魯以謝衛
○何氏曰極惡魯犯
命復貪利也
○陳哲曰受宋賂而
立華氏受衛賂而助
篡國其黨惡附姦之
罪明矣春秋每書見
諸侯以利為急而不
以義也諸侯之事如
斯天下之事可知也

者以復歸于衛其勢宜無難矣而書入者
逆王命也春秋大義在於天下為公選賢
與能而不拘太人世及之禮雖以正取國
未之貴也况殺其兄又逆王命乎故衛朔
書名書入以著其惡王人書字書教以著
其善外則諸侯書人內則莊公書至而春
秋之情見矣

螟○冬齊人來歸衛俘
公穀作寶左傳齊
之也公羊傳此衛寶也則齊人曷為來歸之
衛人歸之也衛人歸之則其稱齊人何讓乎
我也其讓乎我奈何齊侯曰此非寡人之力
魯侯之力也穀梁傳以齊首之分惡於齊也
使之如下齊而來
我然惡戰則殺矣

胡傳
俘者二傳以為寶按商書稱遂伐三
國俘厥寶玉則俘者正文也寶者釋

辭也言齊歸衛寶則知四國皆受朔之賂
矣春秋特書此事結正諸侯之罪也夫以
弟弑兄臣弑君篡居其位上逆天王之命
人理所不容矣彼諸侯者豈其弗察而援
之甚力則未有以驗其喪心失志迷惑之
端也及書齊人歸寶然後知其有欲化其
心而後動於惡也世衰道微暴行交作狗
于貨寶賄賂公行使君臣父子兄弟終去
仁義懷利以相與不至於篡弑奪攘則不
厭也春秋書此結正
諸侯之罪垂戒明矣

附錄
左傳楚文王伐申過鄧郟侯曰吾
楚子鄧侯弗許三甥曰亡鄧國者必此人
也若不早圖後君必齊其及圖之乎圖之
此為時矣鄧侯曰人將不食吾餘對曰若
不從三臣抑社稷實不血食而君焉取
弗從還年楚子伐鄧十六年楚復伐鄧

春秋卷七
十六

之。

甲 莊王七年 齊襄十一年。晉緡十八。衛惠十三。

午十年 齊哀八。鄭厲十四。子儀七。曹莊

閔五。秦武十一。楚文三。

春夫人姜氏會齊侯于防。左傳文姜會齊侯于防齊志也穀梁

傳婦人不會 ○夏四月辛卯夜恒星不見夜

中星隕如雨。辛卯夜穀夜作昔見音現隕于

恆星不見夜明也星隕如雨與雨借也公羊

傳恆星者何列星也列星不見則何以知夜

之中星友也如雨者何如雨者非雨也非雨

則為謂之如雨不脩春秋曰雨星不及地

尺而復君子脩之曰星賈如雨何以書記異

也穀梁傳恆星者經星也曰入至於星出謂

疏曰恆常也天之常宿故經謂之恆星矣言以時列見於天故傳謂之列星矣

之昔不見者可以見也夜中星隕如雨其隕

也如雨是夜中與春秋著以傳著疑以傳疑

中之幾也而曰夜中者著焉爾何用見其中

也失變而錄其特則夜中矣其不曰恆星之

隕何也我知恆星之不見而不知其隕也我

見其隕而接於地者則是雨說也著於上見

於下謂之雨著於下不見於上謂之隕豈雨

胡傳

恆星者列星也。如雨者言衆也。人事
感於下則天變動於上。前此者五國
連衡。旅拒王命。後此者齊桓晉文更霸中
國。政歸盟主。而王室遂虛。其為法度廢絕。
威信凌遲之象著矣。漢成帝末始中亦有
星隕之異。而五侯擅權。賊莽居攝。漢之宗
支掃蕩。幾盡天之示人顯矣。春秋謹於天
象。至矣。

○連衡者相連而橫
行也。旅拒者旅聚而
抗拒也。

○五侯平阿侯成都
侯紅陽侯曲陽侯高
平侯。

○漢書元始五生王
恭弒平帝踐祚謂之

攝皇帝

何氏曰明君子不以一過責人水旱螟蝗皆以傷二穀乃情然不書穀名至麥苗獨書者民食最重

○陳苞曰此之字正指大水麥苗之事也

○集解云書魯地見齊侯之意是齊侯之來也書齊地見姜氏之意是姜氏之往也

秋大水無麥苗

左傳秋無麥苗小害嘉穀也公羊傳無苗則曷為先言無苗而後言無苗一災不書待無麥然後書無苗何以書記災也穀梁傳高下有水災曰大水無麥苗麥苗同也

胡傳

書大水畏天災也無麥苗重民命也畏天災重民命見王者之心矣忽天災而不懼輕民命而不圖國之亡無日矣春秋所以謹之也

冬夫人姜氏會齊侯于穀

穀梁傳婦人不

胡傳

防魯地也穀齊地也初會于樵次亭焉其為惡益遠矣明年無知弒諸兒其禍淫之明驗也

春秋四傳卷之七

春秋四傳卷之八

莊公二

乙 莊王十八年

齊襄十二。弒。晉緡十九。衛惠十四。蔡哀九。鄭厲十五。于儀八。曹莊十六。陳宣七。杞靖十。宋閔六。秦武十二。楚文四。

春王正月師次于郎以俟陳人蔡人

公羊傳次不言

也穀梁傳次止也俟待也

胡傳

用大衆曰師次止也伐而次者有整兵慎戰之意其次善之也遂伐楚次于陘是也次于匡于聶北于雍榆是也侯而次者有無名妄動之意次于郎以俟陳人蔡人是也何侯乎陳蔡或曰陳蔡將過

○次于陘見僖公四年
○次于匡見僖公十五年
○聶北邢地見僖公元年
○雍榆晉地見襄公二十三年

○林氏曰治兵於鹿
將以圖也

○集解云治兵者整
部伍閱器械備慮慎
敵之意所以畫者固
有善之者矣此為無
名善之師人心無
動易於潰散所以治
者其有俗慮慎敵之
意蓋將以攝服人心
也其為黷武而譏之
也明矣

○林氏曰三國同討而齊獨納師

○陳氏及者身我
及之故有相親之意

○范氏曰鄭同姓之
國而與齊伐之是用
師之過也

○集解云三傳之說
不同不若譏役以之
為當

○國君謂莊公上將
謂仲慶父

我侯而邀之也。或曰魯將與陳蔡有事於
鄰國而陳蔡不至。故次于郎以待之也。若
是皆非義矣。其曰次
曰以侯者深貶之也。

甲午治兵

治公作祠左傳治兵于廟禮也公
羊傳祠兵者何出曰祠兵入曰振

旅其禮一也皆習戰也何言乎祠兵為父也
曷為為父久吾將以甲午之日然後祠兵於是
穀深傳出曰治兵習戰也入曰振旅習戰也
治兵而陳蔡不至矣兵事以嚴終故曰善陳
者不戰此之謂也善為國者不師善師者不
陳善陳者不戰善戰者不死善死者不亡

胡傳

此治兵于郎也侯而不至暴師露衆
之虞故復申明軍法以整齊
之其志非善之也譏黷武也

夏師及齊師圍成郕降于齊師

郕公作成降
戶江反左傳

仲慶父請伐齊師公曰不可我實不德齊師
何罪罪我之由夏書曰臯陶邁種德德乃降
姓務脩德以待時平公羊傳成者何成也盛
則曷為謂之成諱滅同姓也曷為不言降吾
師師之也穀深傳其曰降于齊
師何不使齊師加威於郕也

胡傳

姓也郕降于齊師者見伐國無義而
不能服也於是
莊公之惡著矣

秋師還

還音旋後同左傳秋師還君子是以
善魯莊公公羊傳還者何善辭也此
滅同姓何善爾病之也曰師病矣曷為病之
非師之罪也穀深傳還者事未畢也退也

胡傳

書師還譏役以也按左氏仲慶父請
伐齊師莊公不可是國君上將親與
圍郕之役也然其次其及其還皆不稱公
者重衆也春秋正例君將不稱帥師則以

君為重。今此不稱公。又以為重。衆何也。輕舉大衆。妄動人役。俟陳蔡而陳蔡不至。圍郕而郕不服。歷三時而後還。則無名黷武。非義害人。未有如此之甚也。至是師為重矣。義繫於師。故不書公。以著勞。民毒衆之罪。為後戒也。春秋王道。輕重之權。衡此類是矣。

冬十有一月癸未齊無知

胡傳

無知曷為不稱公孫而以國氏罪。當以公孫之道待無知。使恃寵而當國也。按無知者夷仲年之子。年者僖公母弟也。私其同母異於他弟。施及其子。衣服禮秩如嫡。此亂本也。故於年之來聘。特以弟書。於無知之弒。不稱公孫。著其有寵而當國也。垂戒之義明矣。古者親親與尊賢。並行而不相悖。故堯親九族。必先明俊德。而後九

○林氏曰衣服禮數品秩一如嫡子嫡子襄公也
○桓公三年書曰齊侯之弟年來聘
○陳哲曰峻德指謂賢者也見歷書堯典
○康叔武王弟封於衛蔡仲蔡叔子蔡叔流言被放叔卒封於蔡

族睦。周封同姓。必庸康叔蔡仲。而後王室強。徒知寵愛親屬。而不急於尊賢。使為儀表。以明親親之道。必有篡弒之禍矣。

弒其君諸兒

左傳齊侯使連稱管至父戍葵丘。問不至。請代弗許。故謀作亂。僖公之母弟曰夷仲年。生公孫無知。有寵於僖公。不服禮秩。如適襄公。繼之二人。因之以作亂。連稱有從妹在公宮。無寵。使問公曰。擿吾以女為夫人。冬十一月。齊侯游于姑楚。遂田于貝丘。見大豕。從者曰。公子彭生也。公怒曰。彭生敢見射之。豕人立而啼。公懼隊于車。傷足。喪履。反誅屨於徒人費。弗得。鞭之。見血。走出。遇賊于門。劫而束之。費曰。我奚御哉。袒而走。出遇賊。于之費請先入伏。公而出。歸死於門。甲石之。紛如死。于階下。遂入殺孟陽于姑。曰非君也。不類見公之足于戶下。遂弒之而立。無知初襄

○諸兒襄公名

○徒人費石之紛如
齊襄公發臣也

○孟子告子篇云長
君之惡其罪小逢君
之惡其罪大

○桓公二年宋華督
弑瑯公及其大夫孔
父

○莊公十二年宋南
宮萬弑閔公及其大
夫仇牧二人皆死君
難

○論語孔子曰桓公九合諸侯不以兵車管仲之九也

公立無常。鮑叔牙曰：君使民慢，亂將作矣。奉
公子小白，出奔莒。亂作，管夷吾召忽奉公子
糾來奔。初，公孫無知虐于雍廩，穀梁傳不
夫弑其君以國氏者，難也。弑而代之也。

胡傳

按左氏齊侯游于姑莸，遂田于貝丘
死石之紛如死于階下，是能死節者也。春
秋重死節之臣，而法有特書，其不見于經
何也。如費等，所謂便嬖私暱之臣，逢君之
惡，田獵畢弋，而不脩民事，使百姓苦之者
也。與大臣孔父仇牧義形於色，不畏強禦
以身死其職，則異矣。當是時，管仲隰朋鮑
叔皆沉於下，寮不見庸也。而徒人費石之
紛如，乃得居左右，襄公之所踈遠親信者
如此，故以齊國之強大，一也。桓公用之，則
九合諸侯，不以兵車，由親賢人，遠小人，所
以興也。襄公用之，不能保其身，死于戶下，
由親小人，遠賢人，所以亡也。此二人雖死，

于難與自經於溝瀆而莫之知者，猶不
逮焉。乃致亂之臣，死不償責，又何取乎

申丙

莊王十九年 齊桓公小白元年 晉緡二十
子儀九 曹莊十七 陳宣八 杞靖
十九 宋閔七 秦武十三 楚文五

春齊人殺無知

左傳九年春雍廩殺無知穀
梁傳無知之挈失嫌也稱人
以殺大夫
殺有罪也

胡傳

殺無知者雍廩也。而曰齊人者，討賊
之辭也。弑君之賊，人人之所惡。夫人
之所得討，故稱人。人者衆辭也。無知
不稱君已，不能君齊人亦莫之君也。

公及齊大夫盟于既

既，齊無君也。公穀作既，左
傳齊無君也。然則何以不名爲
曷爲與大夫盟，齊無君也。然則何以不名爲
其諱與大夫盟也。使若衆然，穀梁傳公不名

○林氏曰：無知弑君
而立未列于會，故不
書爵

也

○左傳云：初，公孫無
知虐于雍廩，至是雍
廩殺之。雍廩齊大夫
也

○林氏曰：范、魯地齊
亂，無君，故大夫得敵
公蓋欲迎于糾也。來

者非一人故不稱客

○禮記表記云以德報怨寬身之仁註方氏曰以德報怨則志人之怨雖不足以有懲而衆將德而有裕矣故曰寬身之仁

大夫大夫不名無君也盟納子糾也不日于盟渝也當齊無君制在公矣當可納而不納故惡內也

胡傳

及者內為志大夫不名者義繫於齊而不日盟者譏公之釋父怨親仇讐也或曰不夫盟者譏公之釋父怨親仇讐也或曰以德報怨實身之仁何以譏之也曰德有輕重怨有深淺然莫甚於父母之仇而德莫重乎安定其國家而圖其後嗣也又有父之讐而不知怨乃欲以重德報之也則人倫廢天理滅矣然則如之何以直報怨以德報德

夏公伐齊納糾

左作納子糾公羊傳納者何納者猶不能納也糾者何公羊傳何何伐而言稱公子君前臣名也穀梁傳當可納而不納齊變而後伐故乾時也齊小白入于齊左傳公伐齊納糾

○林氏曰二公子各有故雖盟而迎子糾當須視乃得入又出在小白之後小白稱入從國過之文本無位齊桓公入國

子糾桓公自莒先入公羊傳曷為以國氏當國也其言入何纂辭也穀梁傳大夫出奔反以好曰歸以惡曰入齊公孫無知弒襄公公平糾公子小白不能存出亡齊人殺無知而迎公子糾於魯故曰齊小白入于齊惡之也又殺之於魯故曰齊小白入于齊惡之也

胡傳

左氏書子糾二傳曰伐齊納糾君子入者難詞糾不書于者明糾不當立也小白繫齊者明小白宜有齊也所以然者襄公見殺糾與小白皆以庶子出奔而糾弟也又未嘗為世子按史稱周公誅管蔡以安周齊桓殺其弟以反國是糾幼而小白長其有齊宜矣宜則何以不稱公子內無所承上不稟命故以王法絕之也桓公於王法雖可絕視子糾則當立故管仲相桓為從義而聖人稱之曰微管仲吾其被髮左衽矣召忽死於子糾為傷勇此諸匹

○公子糾小白皆僖公庶子襄公庶弟

夫匹婦之諒自經於溝瀆而莫之知也

秋七月丁酉葬齊襄公。○八月庚申及齊師

戰于乾時。我師敗績。公

喪我路。傳乘而歸。秦子梁子以公旗辟于下

道。是以皆止。公羊傳內不言敗。此其言敗何

伐敗也。曷為伐敗復讐也。此復讐乎。大國曷

為使微者公也。公則曷為不言公。公與公

復讐也。曷為不與公。復讐復讐者在。下也

胡傳內不言敗。此其言敗者。為與讐戰。雖

路傳乘而歸。則敗績者公也。能與讐戰。雖

敗亦榮。何以不言公敗之也。公本志親釋

怨。欲納讐人之子。謀定其國家。不為復讐

與之戰也。是故沒公以見敗。若以復讐舉

事。則此戰為義戰。當書公冠于敗績之上

○林氏曰乾時齊地

○曠曰桓十年冬十

有二月齊侯衛侯鄭伯來戰于郎。傳云備戰也。何以不言師敗。或內不言戰言戰乃敗矣

○林氏曰公子為賊

此則書齊實告殺而取殺者時史惡齊志在誦以求管仲。非不忍其親故極言

○集解云如南宋劉裕受晉恭帝禪廢為

夫匹婦之諒自經於溝瀆而莫之知也

秋七月丁酉葬齊襄公。○八月庚申及齊師

戰于乾時。我師敗績。公

喪我路。傳乘而歸。秦子梁子以公旗辟于下

道。是以皆止。公羊傳內不言敗。此其言敗何

伐敗也。曷為伐敗復讐也。此復讐乎。大國曷

為使微者公也。公則曷為不言公。公與公

復讐也。曷為不與公。復讐復讐者在。下也

胡傳內不言敗。此其言敗者。為與讐戰。雖

路傳乘而歸。則敗績者公也。能與讐戰。雖

敗亦榮。何以不言公敗之也。公本志親釋

怨。欲納讐人之子。謀定其國家。不為復讐

與之戰也。是故沒公以見敗。若以復讐舉

事。則此戰為義戰。當書公冠于敗績之上

九月齊人取子糾殺之。左傳鮑叔帥師來高

之。管召讐也。請受而甘心焉。乃殺子糾于生

稅之。歸而以告。曰。管夷吾治於高。使相。可

也。公從之。公羊傳其取之何。內辭也。脅我使

我殺之也。其稱子糾何。貴也。其貴奈何。宜為

君者也。穀梁傳外不言取言取病內也。取易

辭也。猶曰取其子糾而殺之。云爾。十室之邑

可以逃難。百室之邑可以隱死。以千乘之魯而不能存子糾。以公為病矣

胡傳取者不義之詞。前書殺糾復稱子者。明不當殺也。或奪或子於義各安。春秋精意也。仁人之於兄弟。不藏怒焉。不宿怨焉。親

零陵王以兵守之其
二年殺於林陵之類

○漢書董仲舒傳云
仲尼之明，五尺童子
羞稱，五作為其先詐
九而後也，義也

○陳桓曰不知本謂
其不知保民為守國
之本也

○林氏曰長勺，魯地

春秋卷六

六

愛之而已。糾雖爭立，越在他國，置而勿問，
可也。必請于魯殺之，然後快于心，其不仁
亦甚矣。後世以傳讓為名，而取國者必殺
其主，以為為一人之心防，後患意與此同。流毒
豈不遠哉。故孟子曰：五伯三王之罪，
也。仲尼之徒無道，桓文之事者，

冬浚洙，洙音殊。公羊傳：洙者何？水也。浚，
齊辭殺子糾也。穀梁傳：浚，
洙者深洙也。著力不足也。

胡傳：固國以保民為本，輕用民力，妄興大
域，洞庭彭蠡，河漢之險，猶不足憑，而况洙
乎。晝浚洙，見勞民於守國之末務，而不知
本為後戒也。

丁酉 莊王十年 齊桓二 晉縉二十一 衛惠十
三年 秦武十四 楚文六 鄭厲十七 子儀

十。曹莊十八。陳宣九。杞靖二
十。宋閔八。秦武十四。楚文六。

春王正月，公敗齊師于長勺。左傳

戰曹劌請見其鄉人曰肉食者謀之又何問
焉劌曰肉食者鄙未能遠謀乃入見問何以
戰公曰衣食所安弗敢專也必以分人對曰
小惠未徧民弗從也公曰犧牲玉帛弗敢加
也必以信對曰小信未孚神弗福也公曰小
大之獄雖不能察必以情對曰忠之屬也可
以一戰則請從公與之乘戰于長勺公將
鼓之劌曰未可齊人三鼓劌曰可矣齊師敗
績公將馳之劌曰未可下視其轍登軾而望
之曰可矣遂逐齊師既克公問其故對曰夫
戰勇氣也一鼓作氣再而衰三而竭彼竭我
盈故克之夫大國難測也懼有伏焉吾視其
輒亂望其旗靡故逐之穀梁傳不
日疑戰也疑戰而曰敗勝內也

○集解云即所謂膠

○欲言其以詐戰取

○文辭告命若鄭國

○守疆場之吏若周

○林氏曰宋疆遷之

○而取其地故文是於

○邢遷此遷國之始

齊師伐魯經不書伐意責魯也詐戰

齊師至此所謂敵加於已不得已而後應

不師善師者不陣善陣者不戰故行使則

有文告之詞而疆場則有守禦之備至於

善陣德已衰矣而况兵刃相接又以詐謀

取勝乎故書魯為主以責之皆已亂之道

寡怨之方王

者之事也

二月公侵宋 此書侵之始公羊傳曷為或言

戰不言伐圍不言戰入不言圍滅不言入書

其重者也穀梁傳侵時此其月何也乃深其

怨於齊又退侵宋以衆

其敵惡之故謹而月之

三月宋人遷宿 此遷

始公羊傳遷之者何不通也以地還之也子

沈子曰不通者蓋因而臣之也穀梁傳遷

辭也其不地宿不復見也遷

者猶未失其國家以徃者也

胡傳 其曰遷宿者宿非欲遷為宋人之所

雖違害就利去危即安猶或恐沈于衆不

肯率從而况迫於橫逆非其所欲棄又宅

之田里刈新徙之蓬藿道途之勤營築之

○林氏曰其言次何

以桓公圖復而未集

是故書次即以見齊

伯之難書次厥終以

見楚伯之難書次于

夏六月齊師宋師次于郎公敗宋師于乘丘

乘繩證反左傳齊師宋師次于郎公于偃曰

宋師不整可敗也宋敗齊必還請擊之公弗

許自雩門竊出蒙鼻比而先犯之公從之大

敗宋師于乘丘齊師乃還公羊傳其言次于

郎何伐也伐則其言次何齊與伐而不與戰

故言伐也我能敗之故言次也穀梁傳次止

次止

此以見復伯之難

○陳哲曰為敗齊師于長勺又有公侵宋之事故齊宋此舉蓋報其敗與復之事也

○林氏曰此書荆之始不荆猶夏之始亦荆專執諸侯之始荆敗蔡師于莘是猶夏之始也吳敗頓胡沈蔡陳許之師于雞父則諸侯之不守者寡矣是故書荆自此始而春秋以吳終焉

也畏我也。不曰疑戰也。疑戰而曰敗勝內也。

胡傳 齊宋輕舉大衆深入他境肆其報復之心誠有罪也。魯人若能不用許謀奉其辭令二國去矣。偷得一時之捷而積四鄰之忿。此小人之道。故次者不以其事勝者不以其理交譏之。

秋九月荆敗蔡師于莘以蔡侯獻舞歸。華所

無穀作武此荆猶夏之始左傳蔡哀侯娶于陳息侯亦娶焉息媯將歸過蔡蔡侯曰吾媯也止而見之弗宿息侯聞之怒使謂楚文王曰伐我吾求救於蔡而伐之楚子從之秋九月楚敗蔡師于莘以蔡侯獻舞歸公羊傳荆者何州名也州不若國國不若氏氏不若人人不若名名不若字字不若子蔡侯獻舞何以名絕曷為絕之獲也曷為不言其獲不與夷狄之獲中國也穀梁傳荆者楚也何為譏

○宣公十五年晉滅赤狄潞氏以潞子嬰兒歸

○定公四年蔡滅沈以沈子嘉歸殺之

○同六年鄭滅許以許斯歸

○同十四年楚滅麇以麇子惟歸

○同十五年楚子滅胡以胡子豹歸

○哀公八年宋公入曹以曹伯陽歸

○同七年季康子入邾以邾子益來

之荆狄之也何為狄之聖人立必後至天子弱必先叛故曰荆狄之也蔡侯何以名也絕之也何為絕之獲也中國不言敗此其言敗何也中國不言敗蔡侯其見獲乎其言敗何也釋蔡侯之獲也以歸猶愈平執也

胡傳

蔡侯何以名絕之也凡書敗書滅書虜故絕之也若蔡獻舞潞嬰兒沈嘉許斯類是矣國君死社稷正也逃之雖罪猶有恥焉虜甚矣楚人滅麇以麇子歸獨不名者麇子以無罪見討雖國滅身為臣虜其義直其辭初不服也是以獨假之爵而不名也春秋之法諸侯不生名失地則生而名之比於賤者欲使有國之君戰戰兢兢長守富貴無危溢之行也

冬十月齊師滅譚譚子奔莒

此滅國之始左傳齊侯之出也

○林氏曰譚小國此
越國之始此管仲攻
之術也

○弦子奔黃在僖公
五年

○溫丁奔齊在僖公
十年

○徐子章羽奔楚在
昭公三十二年章羽徐
子各也

過譚譚不禮焉及其入也諸侯皆賀譚又不
也冬齊師滅譚譚無禮也譚子奔莒同盟故
也公羊傳何以不言出國已滅矣無所出也

胡傳

滅而書奔責不死位也。不書出國亡
貴何以書爵乎。已無取滅之罪。為橫逆所
加而力不能勝。至於出奔則亦不幸焉。爾
矣。其義蓋未絕也。按左氏齊侯之出也。過
譚譚不禮焉。及其入也。諸侯皆賀。譚又不
至。責其失事。大之禮可矣。坐此見滅可乎。
齊師滅譚。譚子奔莒。楚人滅弦。弦子奔黃。
狄滅溫。溫子奔衛。三國所以皆存其爵。不
比於失地之君而名之也。然則吳滅徐。徐
子章羽奔楚。何以獨名。按左氏吳伐徐。徐
子斷其髮。携其夫人。以逆吳子。既已屈服
而後奔。豈有興復之志乎。獨書名所以絕
之也。春秋之義。雖在於抑強扶弱。又責弱
者之不自強。於為善也。故其書法如此。

戊 莊王十有一年 齊桓三。晉緡二十二。衛
十四。子儀十一。曹莊十九。陳宣十。杞
靖二十一。宋閔九。秦武十五。楚文七。

春王正月○夏五月戊寅公敗宋師于鄆

斯及左傳夏宋為乘止之役故侵我公
宋師未陳而薄之敗諸鄆凡師敵未陳曰敗
其師皆陳曰戰大崩曰敗績得雋曰克獲而
敗之曰取其師京師敗曰王師敗績于某
梁傳內事不言戰舉其大者秋宋大水左傳

其曰成敗之也宋萬之獲也秋宋大水
大水公使弔焉曰天作淫雨害於桑盛若之
何不弔對曰孤實不敬天降之災又以為君
憂得命之辱滅文仲曰宋其與乎禹湯罪已
其與也仲焉祭紂罪人其亡也忽焉且列國
有凶禍孤禮也言懼而名禮其庶乎既而聞
之曰公子御說之辭也滅孫達曰是宜為君

○鄆音茲魯地

其解云謂他國有

如晉執而秦輸粟
于晉晉平公有疾而
鄭伯使公孫僑如晉
聘且問疾之類

○林氏曰晉主晉不
書齊侯逆不見公

○集解云說見詩召
南何彼穠矣篇之序

○蔡氏曰一女堯之二女娥皇女英也嬪婦也虞氏也中言若海號下嫁于娥皇

○王陽前漢人王吉
字孟陽漢宣帝神爵
元年為諫議大夫

○王固宋人字深父
福州長樂人

○家語曰嘗聞之師
位有尊卑而所以
為尊卑者一也生有
貴賤而所以為夫婦
者一也故聖人作經
以教天下不以天子
之貴為貴而使其禮
有異於公侯士庶人
之女蓋所以正人倫
厚風教不以貴賤而

有恤民之心公羊傳何以書記災也外災不
書此何以書及我也穀梁傳外災不書此
何以書王者之後也高下有水災曰大水

胡傳凡外災告則書所謂災者害及民物
有恤病救急之義則告為得禮而不可以
不用故四國同災許人不用君子以是知
許之先亡也凡志災見春秋有謹
天戒恤民意之心王者之事也

冬王姬歸于齊左傳冬齊侯來逆共姬公羊

志過我也

胡傳按周制王姬嫁於諸侯車服不繫其
尊君而臣其書王姬下嫁曷為與列國之
女同辭而不異乎曰陽倡而陰和夫先而
婦從天理也志天理訓後世則雖以王姬

之貴其當執婦道與公侯大夫士庶人之
女何以異哉故舜為匹夫妻帝二女而其
書曰嬪于虞西周王姬嫁於齊侯亦執婦
道成肅雍之德其詩曰曷不肅雍王姬之
車自秦而後尤欲尊君抑臣為治而不得
其道至謂列侯尚公主使男事女夫屈於
婦逆陰陽之位故王陽條奏世務指此為
失而長樂王回亦以其弊至父母不敢畜
其子舅姑不敢畜其婦原其意雖欲尊君
抑臣為治而使人倫悖於上風俗壞於下
又豈所以為治也其流至此然後知春秋
畫王姬侯女同詞而不異垂訓之義大矣

附錄左傳乘丘之役公以金僕姑射南宮
長萬公右欒孫生擲之宋人請之宋
公鞅之曰始吾敬子今子
魯囚也吾弗敬子矣病之

己丑五年崩十有一年齊桓四晉緡二十三鄭厲

齊桓四晉緡二十三鄭厲

鄭厲

亂之垂之存也

○集解云婦人以夫

家為歸男子娶妻所以奉宗廟也今叔姬以歸為家而歸不以紀侯之妾而棄其祀賢矣哉此聖人所以備書而不吝也

○衛之共姜見詩邶風柏舟之篇

○夏侯令女見三國志魏曹爽傳

十九子儀十一曹莊二十陳宣十一杞靖二十二宋閔十弒秦武十六楚文八

春王三月紀叔姬歸于鄭

爾其國亡矣徒歸于叔爾也穀梁傳國而曰歸此邑也其曰歸何也吾女也失國喜得其所故言歸焉爾

胡傳

莊公四年紀侯去國叔姬至此始歸歸于鄭者紀侯方卒故叔姬至此然後歸爾歸者所謂全節守義不以亡故而虧婦道者也魯人高其節義恩禮有加焉是故其歸于鄭其卒其葬史冊悉書夫子脩經存而弗削使與衛之共姜同垂不朽為後世勸若夏侯令女曹爽之弟婦也寡居守志父母毋欲奪而嫁少誓而弗許而曰曹氏全盛之時尚欲保終况今衰亡何忍棄之

夏四月○秋八月甲午宋萬弒其君捷及其

大夫仇牧

捷公作接左傳宋萬弒閔公下蒙澤遇仇牧于門掖而殺之遇太幸

○林氏曰閔公捷弒桓公御說立

聞者為之感動其聞叔姬之風而興起者乎督于東官之西又殺之立子游羣公于奔蕭公子御說奔亳南宮牛猛獲帥師圍亳公羊傳及者何累也弒君多矣舍此無累者乎孔父荷息皆累也舍孔父荷息無累者乎曰有有則此何以書賢也何負乎仇牧仇牧可謂不畏強禦矣其不畏強禦奈何萬嘗與莊公戰獲之莊公若公歸於宋公博婦人皆在歸萬曰是矣魯侯之叔魯侯之美也天下諸侯宜為手者唯魯侯爾閔公矜此婦人妬其言顧曰此虜也爾虜焉故魯侯之美惡之萬怒搏閔公絕其脰仇牧聞君弒趨而退之千門手刃而叱之萬臂毀仇牧碎其首齒

○集解云華督弑宋
殤及孔父宋萬弑宋
閔及仇牧里克弑卓
子及荀息

○又公薨襄仲弑子
惡以君命召叔仲惠
伯惠伯入弑之

○忽見九年及論
語此三子皆死於君
難而春秋之所不書
者

○晏平仲之事見左
傳襄公二十五年

著乎門闔仇牧可謂不畏疆禦矣穀梁傳宋
萬宋之異者也里者以國氏及其
大夫仇牧以尊及里也仇牧閉也

胡傳

其所取也大夫死於其難春秋書之者
不書者故知孔父牧息皆所取也夫仇牧
可謂不畏疆禦矣然徒殺其身不能執賊
無益於事也亦足取乎食焉不避其難義
也徒殺其身不能執賊亦足為求利而
逃其難者之訓矣何名為無益哉夫番事
物之重輕者權也權重輕而處之得其宜
者義也太宰齊亦死於閔公之難則而不
書者身有罪也惠伯死於子惡之難亦能
而不書者非君命也召忽死於子糾之難
孔子比於匹夫匹婦之諒自經於溝瀆而
莫之知者所事不正也崔杼弑君晏平仲
曰人有君而人弑之吾焉得死之而焉得
亡之君子不以是罪晏子者齊莊公不為

○集解云土榘者土偶人也弁髦者重事垂髦始冠必以弁蓋故謂之弁髦夫土榘迴
則喪人不復向之弁
髦既冠則棄人不復
用之若夫之臣是君
求利於平居無事之
時而背棄於顛沛亂
亡之際與斯事何異
哉

冬十月宋萬出奔陳

左傳冬十月蕭叔太心
及戴武宣穆莊之族以
曹師伐之殺南宮牛于師殺子游于宋立桓
公猛獲奔衛南宮萬奔陳以乘車輦其母于
陳而至于宋人請猛獲于衛衛人欲勿與石都
子曰不可天下之惡一也惡於宋而保於我
保之何補得天下之惡一也惡於宋而保於我
謀也衛人歸之亦請南宮萬于陳以賂陳人
使婦人飲之酒而以犀革裹之
比及宋手足皆見宋人皆醢之

胡傳

按左氏宋萬弑閔公于蒙澤奔陳宋
人請萬于陳以賂陳人使婦人飲之

○陳哲云宋去陳二百六十里一日而至陳以見萬之多勇力也

○周莊王十三年崩子儋王立經皆不書崩葬

○林氏曰北杏齊地衣裳之會一○序齊於諸侯之上而獨書爵始伯之辭也自是無特相會盟者矣○王風之什絕筆於莊王而儋王之立齊桓公之伯皆在是年此王伯與表之機也

○其後宋襄見僖公九年
○晉文見僖公二十三年
○楚莊見文公十四年
○秦穆見穆十五年
○林氏曰遂國名舜之後

酒而以犀革裹之宋人醢萬然則賊已討矣曷為不書陳人殺萬而葬閔公乎夫天下之惡一也陳人不以萬為賊而納之又受宋人之賂而使婦人飲之酒是與賊為黨非政刑也特書萬出奔陳而閔公不葬以著陳人與賊為黨之罪而不能正天討其法嚴矣故曰春秋成而亂臣賊子懼

子儀十三年曹莊二十一陳宣十二杞靖二十三卒朱桓公御說元年秦武十七楚文九

春齊侯宋人陳人蔡人邾人會于北杏齊侯左傳春會于北杏以平宋亂遂人不至穀梁傳是齊侯宋公也其曰人何也始疑之何疑焉桓非受命之伯也將以事授之者也曰可知矣乎未乎舉人衆之辭也

齊人左傳春會于北杏以平宋亂遂人不至穀梁傳是齊侯宋公也其曰人何也始疑之何疑焉桓非受命之伯也將以事授之者也曰可知矣乎未乎舉人衆之辭也

○原哲曰因狄人故設問

○其後宋襄見僖公九年

○晉文見僖公二十三年

○楚莊見文公十四年

○秦穆見穆十五年

○林氏曰遂國名舜之後

夏六月齊人滅遂左傳夏齊人滅遂而戍之穀梁傳遂國也其不日微國也

胡傳滅國之與見滅罪孰為重取國而書滅奪人土地使不得有其民人毀人宗廟使不得奉其祭祀非至不仁者莫之忍為見滅而書滅亡國之善詞上亡之同

胡傳滅國之與見滅罪孰為重取國而書滅奪人土地使不得有其民人毀人宗廟使不得奉其祭祀非至不仁者莫之忍為見滅而書滅亡國之善詞上亡之同

○論語堯曰篇有之

○林氏曰柯齊邑曹
翻劫盟魯之從齊獨
殺他國而復劫盟所
以為禮義之國也

力也。其亦不幸焉。爾語有之曰：與滅國。絕世。天下之民歸心焉。今乃滅人之國而絕其世，罪莫重矣。齊人滅遂，其稱人微者，解凡書滅者，不待再貶而惡已見。

秋七月○冬公會齊侯盟于柯左傳冬盟于

也。公羊傳何以不曰易也。其易奈何。桓之盟不曰其會不致信之也。其不曰何以始乎。此莊公將會乎桓。曹子進曰：君之意何如。莊公曰：寡人之生，則不若死矣。曹子曰：然則君請當其君，臣請當其臣。莊公曰：諾。於是會乎桓。莊公升壇，曹子手劍而從之。管子進曰：君何求乎。曹子曰：城壞，壓竟，君不圖與管子曰：然則君將何求。曹子曰：願請汶陽之田。管子曰：願曰：君許諾，桓公曰：諾。曹子請盟，桓公下與之盟。已盟，曹子標劍而去之。要盟可犯，而桓公不欺。曹子可讐，而桓公不怨。桓公之信者乎。天下自柯之盟始焉。穀梁傳：曹闕之盟也。信

○集解云於傳有之

此史駢之言也。文六年晉殺續簡伯，賈季奔狄，趙盾使史駢送其帑，賈季宜戮史駢，故史駢之人欲殺賈季之帑以報史駢不從，故有是言。○陳哲曰：蓋責不以襄公為讎而欲定其後也。

齊侯也。桓盟雖內與，不曰信也。

胡傳始及齊平也。世讐而平，可乎。於傳有

不共戴天之敵，惠敵怨不在後嗣。魯於襄公有王姬，待于禚，會伐衛，同圍戚，納子糾，故聖人詳加譏貶，以著其忘親之罪。今易世矣，而桓公始合諸侯，安中國，攘夷狄，尊天子，乃欲脩怨，怒鄰而危其宗社，可謂孝乎。故長勺之役，專以責魯，而柯之盟，公與齊侯皆書其爵，則以為釋怨而平可也。或稱齊襄公復九世之讐，而春秋賢之，信乎。以仲尼所書，柯之盟，其辭無貶，則復九世之讐而春秋賢之者，妄矣。其諸傳者，借襄公事以深罪魯，莊當其身而釋怨耶。

附錄左傳宋人欺

辛丑二年十有四年齊桓六。晉緡二十五。衛惠二十。蔡哀十五。鄭厲二十。

一。子儀十四弒曹莊二十二。陳宣十三。杞共
公元年。宋桓二。秦
武十八。楚文十

春齊人陳人曹人伐宋

○左傳云宋人背北
查明年齊人陳人曹
人伐宋

胡傳 宋人背北杏之會。諸侯伐宋。其稱人者。將卑師少也。齊自管仲得政。滅譚之後。二十一年。間未嘗遣大夫為主將。亦未嘗動大衆出。侵伐。蓋以制用兵。而賦於民薄矣。故能南推強楚。西抑秦晉。天下莫能與之爭也。或以為賤齊稱人。誤矣。

○林氏曰單伯周大夫於是諸侯初用王師

夏單伯會伐宋。左傳春諸侯伐宋。齊請師于還。公羊傳其言會伐宋何。後會也。穀梁傳會事之成也。

胡傳 再舉宋陳蔡衛四國之名。今諸侯伐宋。而單伯會伐不復再舉三國之名。何也。

○集解云州吁有弒君其國之罪諸侯不能討而誅之反與連兵同伐無罪之鄭故書法與此異也

宋人背北杏之會合諸侯而伐之者齊桓公也。會伐者無貶焉。故其辭平。王謀伐鄭而欲求寵於諸侯。以定其位者州吁也。會之者黨逆賊矣。故其辭繁而不殺。疾之也。再舉而列書者甚疾。四國之詞也。言之不足。故再言之。而聖人之情見矣。

附錄 左傳鄭厲公自櫟侵鄭及大陵獲傅而救之。六月甲子傅瑕殺鄭子及其二子。而納厲公。初內蛇與外蛇。鬪於鄭南門中。內蛇死。六年而厲公入。公聞之。問於申繻。曰。猶有妖乎。對曰。人之所忌。其氣發以取之。妖由人興也。人無繫焉。妖不自作。人棄常則妖興。故有妖厲公入。遂殺傅瑕。使謂原繁曰。傅瑕貳周有常刑。既伏其罪矣。納我而無貳心者。吾皆誅之。上大夫之事。吾願與伯父圖之。且寡人憾焉。對曰。先君桓公命又不念寡人。寡人憾焉。對曰。先君桓公命

又不敢念寡人。寡人憾焉。對曰。先君桓公命

○林氏曰野衛地衣
裳會二○齊桓公
修其齊平宋亂宋
人亦從欲歸功天子
故以單伯會諸侯○
此請侯會王臣之始
○此年鄭殺子儀鄭
厲公後國會鄭即鄭
厲公也

○林氏曰衣裳之會
二齊桓公始伯
○夫人文姜也
○鄭即小邾宋主兵
故序齊止
○集解云由先諸侯
所以見其主兵也

我先人典司宗祏社稷有主而外其心其
何貳如之苟主社稷國內之民其誰不為
臣臣無貳心天之制也子儀在位十四年
矣而謀召君者庸非貳乎莊公之子猶有
八人若皆以官爵行賂勸貳而可以濟
事君其若之何臣聞命矣乃縊而死

秋七月荆入蔡
左傳蔡哀侯為莘故縊息媯
楚子問之曰吾一婦人而事二夫縱弗能
死其又奚言楚子以蔡侯滅息遂伐蔡秋七
月楚入蔡君辛曰商書所謂惡之賜也如火
之燎于原不可鄉邇其猶可撲滅者其如蔡
哀侯乎穀梁傳荆者楚也其曰荆何也州舉
之也州不如國國不如字冬單伯會齊侯宋公衛
侯鄭伯于鄆單音善鄆音緇左傳冬會于鄆
侯鄭伯于鄆宋昭公也穀梁傳復同會也

春秋四傳卷之八

春秋四傳卷之九

莊公三

王僖王十有五年
齊桓七。晉緡二十六。衛惠
二十。曹莊二十三。陳宣十四。杞共
二。宋桓三。秦武十九。楚文十一。

春齊侯宋公陳侯衛侯鄭伯會于鄆
左傳春復會焉

齊始霸也穀梁
傳復同會也
夏夫人姜氏如齊
穀梁傳婦人既
嫁不踰境踰
境非禮也

秋宋人齊人邾人伐鄭
左傳諸侯為宋伐鄭

胡傳伯者之先諸侯專征也非伯者而先
諸侯主兵也此齊桓之師何以序宋

○公羊曰捕者曰復
精者曰伐○穀梁曰
侵淺事也不王其地
不分其民○左傳曰
凡師有鐘鼓曰伐無
曰復此三傳不同也

○集解云此四引皆
以正復伐二字之義
其說見於各經學者
因而推之其義始備

下猶未成乎伯也。二十七年同盟
于幽。天下與之。然後成乎伯矣。
鄭人侵宋左傳鄭人聞

胡傳 侵伐之義。三傳不同。左氏曰有鐘鼓
曰伐。無鐘鼓曰侵。先儒或非其說。以

為聲罪致討。曰伐。無名行師曰侵。未有以
易之者也。然考諸五經。皆稱侵伐。在易謙
之六五。曰利用侵伐。征不服也。書之泰誓
曰。我武惟揚。侵于之疆。詩之皇矣。曰。依其
在京。侵自阮疆。周官大司馬。以九伐之法。
正邦國。而曰賊賢害民。則伐之。負固不服
則侵之。而以為無名行師。可乎。然則或曰
侵。或曰伐。何也。聲罪致討。曰伐。潛師掠境
曰侵。聲罪者。鳴鐘擊鼓。整眾而行。兵法所
謂正也。潛師者。銜枚。臥鼓。出人。不意。兵法
所謂奇也。

冬十月

癸卯 僖王十有六年 齊桓八。晉緡二十七。滅武
公稱三十八年。衛惠二十

二。蔡哀十七。鄭厲二十三。曹莊二十四。陳宣
十五。杞共三。宋桓四。秦武二十。楚文十二。

春王正月○夏宋人齊人衛人伐鄭南北爭

始左傳諸侯伐鄭宋故也○秋荆伐鄭左傳鄭伯自櫟入

鄭及櫟為不禮故也

附錄 左傳鄭伯治與於雍糾之亂者。九月
殺公子闚。別強鉏。公父定叔。出奔衛。

三年而復之。曰不可使共叔無後於鄭。使
以十月入。曰良月也。就盈數焉。君子謂強

鉏不能
衛其足

○林氏曰宋主兵齊
楚爭鄭於是始
○荆患自秦及鄭矣

○林氏曰幽宋地衣裳之會四○齊桓公初主盟也自是無特相盟者矣

○集解云魯首叛盟謂明年鄭魯自齊逃來魯受之一也

○重桓主之失已見桓公三年

冬十有二月會齊侯宋公陳侯衛侯鄭伯許

男滑伯滕子同盟于幽公作公會許男下公穀有曹伯左傳冬同盟于幽鄭成也公羊傳同盟者何同欲也穀

梁傳同者有同也同尊周也不言公外內察之疑

胡傳 會者公也。不書公諱也。其諱公何也。程氏曰齊桓始霸仗義以盟而魯首叛盟故諱不稱公惡失信也。其曰同盟何也。程氏曰上無明主下無方伯列國交爭桓公始霸天下與之故書同盟志同欲也。自古皆有死民無信不立故聖人以信易食。答子貢之問君子以信易生重桓王之失春秋之諱公與是盟也豈不以信之重於生與食乎。先儒或以為不書公者諱與魯盟誤矣。果以桓為魯而諱與盟者曷不

於柯之盟諱之也。

○林氏曰即邾儀父率邾子瑗也

邾子克卒

穀梁傳其曰子進之也

附錄 左傳王使虢公命曲沃伯以一軍為國請而免之既而弗報故子國作亂謂晉人曰與我伐夷而取其地遂以晉師伐夷殺夷詭諸周公忌父出奔虢惠王立而德之

甲辰 僖王五十年 齊桓九 魯武三十九 卒

鄭厲二十四 曹莊二十五 陳宣十六 杞共四 宋桓五 秦德公元年 楚文十二

春齊人執鄭詹 詹公作瞻下同左傳鄭不朝也

○陳哲云穀梁曰鄭詹鄭之卑者也公羊曰鄭詹者鄭之微者也而云鄭之執政大臣未詳其據

也。此鄭之微者何言乎齊人執之書甚佞也。穀梁傳人者衆辭也以人執與之辭也。鄭

○林氏曰齊桓始伯
鄭既伐宋又不朝齊
魯為鄭執政大臣請
齊見執不殊行人罪
乏也

○林氏曰齊人伐遂
既而無備齊人討而
盡殺之

○申也齊楚大夫也

○集解云秦二世二年范增曰秦滅六國楚最無罪自懷王入秦不妄楚人憐之至今故
楚南公曰楚雖三戶
亡秦必楚或謂三戶
楚三木姓昭屈景也
或謂地名或謂津名
未詳孰是

○范氏曰齊稱人以
執是執有罪也執得
其罪故曰義也今而
逃之是逃義也

魯鄭之卑者卑者不志此其志何也以其逃
來志之也逃來則何志焉將有其未不得不
錄其本也鄭詹
鄭之佞人也

胡傳 書齊人執詹惡齊之詞也鄭既侵宋
其見執宜矣而以惡齊何也責人之心
責已則盡道以愛已之心愛人則盡仁此
春秋待齊之意也

夏齊人殲于遂 殲于廉及公作殲左傳夏遂
因氏領氏王婁氏須遂氏饗
齊成醉而殺之齊人殲焉公羊傳殲者何
積也衆殺成者也穀梁傳殲者盡也然則何
為不言遂人盡齊人也無遂之辭也無遂則
何為言遂其猶存遂也存遂奈何曰齊人滅
遂使人伐之遂之因氏飲成者酒
而殺之齊人殲焉此謂狎敵也

胡傳 殲盡也齊滅遂使人伐之之餘民
飲成者酒而殺之齊人殲焉春秋書
此者見齊人滅遂恃強陵弱非伐罪出民
之師遂人書滅乃亡國之善辭上下之同
力也夫以亡國餘民能殲強齊之成則申
胥一身可以存楚楚雖三戶可以亡秦固
有是理足為強而不義之戒
而弱者亦可省身而自立矣

秋鄭詹自齊逃來 公羊傳何以書書其甚佞也
曰佞人來矣佞人來矣

深傳逃
義曰逃

胡傳 穀梁子曰逃義曰逃逃者匹夫之事
詹之見執若其有罪雖死可也儻曰
無罪苟見免焉請從從惠於會使諸侯聞之
則不辱君命矣不能以理自明也而反效
匹夫之行遁逃苟免越在他國不亦賤乎
特書曰逃以著其幸免而不知命之罪也

齊桓始霸，同盟于幽，而曾首叛，盟受其通。逃，虧信義矣。書自齊逃來，又以罪魯也。

冬多麋

公羊傳何以

齊桓始霸，同盟于幽，而曾首叛，盟受其通。逃，虧信義矣。書自齊逃來，又以罪魯也。

胡傳

麋魯所有也。多則為異，以其又害稼之意也。害稼則及人矣。

乙 惠王十有八年

齊桓十。晉獻公侂諸元年。衛惠二十四。蔡哀十九。鄭厲二十五。曹莊二十六。陳宣十七。杞共五。宋桓六。秦德二。楚文十四。

春王三月日有食之

穀梁傳不言日不言朔也。日王者朝日。故雖為天子必有尊也。貴為諸侯必有長也。故天子朝日。諸侯朝朔。

也。日王者朝日。故雖為天子必有尊也。貴為諸侯必有長也。故天子朝日。諸侯朝朔。

附錄

左傳春魏公晉侯朝王。王饗醴命之。有皆賜。王五穀馬三匹。非禮也。王命

○集解云春秋用夏時。冠周月此書冬而不書月則為十月明矣。詩曰十月納禾稼。蓋稼未收故見其害稼也。

○林氏曰周僖王十七年崩。孫惠王十八年立。

○林氏曰濟西。清水之西。謂治戎。

○詩邠風鳴鴉之篇。并孟子公孫丑之篇之意也。

夏公追戎于濟西

左傳不言其來諱之也。公追何。大其為中國追也。此未有言伐者。其言其言為中國追何。大其未至而豫禦之也。其言于濟西何。大之也。穀梁傳其不言戎之伐我何也。以公之追之。不使戎適於我也。而濟西者大之也。何大焉。為公之追之也。

諸侯名位不同。禮亦異數。不以禮假人。魏公晉侯鄭伯使原莊公逆王后于陳。陳媯歸于京。師實惠后。

胡傳

此未有言侵伐者。而書追戎。是不覺戎心。而不知警危道也。春秋之意。其必未雨而徹桑土。聞暇而明政刑。

秋有蜚

蜚文作城音域。左傳為災也。公羊傳何以書。記異也。穀梁傳有。一亡。日

○集解云書多則知厚有書者則知厚無
陸佃字農師宋建
中靖國時人著春秋
後傳二十卷

○范氏曰京房易傳
云忠臣進善君不識
厥咎國生賊疏引五
行傳曰賊生於南越
婦多淫故其地多賊
則此為文姜淫亂而
生也

有或射
入者也

胡傳 或魯所無也。故以有書夫以合沙射
朝。魯史異之。以書于策何也。山陰陸佃曰
或陰物也。廉亦陰物也。是時莊公上不能
防閑其母。下不能正其身。陽淑消而陰慝
長矣。此惡氣之應其說是也。然則蕭韶作
而鳳凰來儀。春秋成而麟出於野。何足怪
乎。春秋書物象之應。欲人王之慎所感也。
世衰道微。邪說作。正論消。小人長。善類退。
天變動於上。地變動於下。禽獸將食人。而
不知懼也。亦昧於仲尼之意矣。

冬十月

附錄

左傳初楚武王克權使關緡尹尹之。以
叛鬪而殺之。遷權於那處使閻敖尹

之。及文王即位。與巴人伐申而驚其師。巴
人叛楚而伐那處取之。遂門于楚。閻敖渴
涌而逸。楚子殺之。其族為
亂。冬巴人囚之。以伐楚。

丙惠王

十有九年

齊桓十一。晉獻二。衛惠二。
十五年。蔡哀二十。鄭厲二十。

六。曹莊二十七。陳宣十八。杞共六。宋桓七。秦
宣公元年。楚
文十五年卒。

春王正月

附錄

左傳春楚子禦之大敗於津。還鬻拳
弗納。遂伐黃。敗黃師于皞陵。遂及泅。

有疾。夏六月庚申卒。鬻拳強諫。楚子亦自
殺也。而葬於經。皇初鬻拳強諫。楚子亦自
弗從。臨之以兵。懼而從之。鬻拳曰。吾懼君
以兵罪莫大焉。遂自則也。楚人以爲大闢。
謂之太伯。使其後掌之。君子曰。鬻拳可謂

愛君矣，諫以自納於刑。刑猶不忘，納君於善。

夏四月。○秋，公子結媵陳人之婦于鄆，遂及

齊侯。宋公盟。○公羊傳：媵者何？諸侯娶，一國則

兄之子也，姊者何？弟也。諸侯壹聘，九女，諸侯

不再娶，媵不書，此何以書？為其有遂事，書太

夫無遂事，此其言遂何？聘禮，大夫受命，不受

辭，出竟有可以安社稷、利國家者，則專之可

也。穀梁傳：媵，賤事也，不志，此其志何也？辟，要

盟也，何以見其辟？要盟也。媵禮之輕者也，盟

國之重也，以輕事遂乎國，重無說其曰：陳人之婦，略之也，其不日數，渝惡之也。

胡傳：媵，賤事，陳人微者，公子往焉，是以所

王者之後，盟國之大事也。大夫輒與焉，是以所

以所輕當禮之重者也。禮者不失已，亦

○集解云：媵者，送女，從嫁之名，故曰：媵，禮之重者也。禮者不失已，亦

○大夫為輕，兩大國為盟，為重。

○何氏曰：先是鄆，此不至，今于

之會，公此不至，今于

結出，境，齊宋欲深

謀，齊宋故專矯君命

而與之盟，除國家之

難，全百姓之命，故善

而詳錄之，先書地而

○何氏曰：先是鄆，此不至，今于

之會，公此不至，今于

結出，境，齊宋欲深

謀，齊宋故專矯君命

而與之盟，除國家之

難，全百姓之命，故善

而詳錄之，先書地而

後書盟者，盟出境乃

得專之也。

○集解云：媵者，送女，從嫁之名，故曰：媵，禮之重者也。禮者不失已，亦

○大夫為輕，兩大國為盟，為重。

○何氏曰：先是鄆，此不至，今于

之會，公此不至，今于

結出，境，齊宋欲深

謀，齊宋故專矯君命

而與之盟，除國家之

難，全百姓之命，故善

而詳錄之，先書地而

後書盟者，盟出境乃

得專之也。

不矢人，矢已，與人寇之招也。是以結書，

于而曰：媵，陳人之婦，譏其重，以矢已也。齊

宋書，爵而曰：遂，譏其輕，以矢已也。遂者，專

事之詞，聘禮，大夫受命，不受辭，出境有可

以安社稷、利國家，則專之可也。謂本有此

命，得以便宜從事，特不受專對之辭，爾若

違命，行私，雖有利國家、安社稷之功，使者

當以矯制請罪，有司當以擅命論刑，何者

終不可以一時之利亂萬

世之法，是春秋之旨也。

夫人姜氏如莒。

附錄：左傳：初，王姚嬖於莊王，生子穰，穰

有寵，為國為之師，及惠王即位，取焉

之。王奪子禽視，跪與詹父田，而收膳夫之

秩，故薦國邊伯、石速、詹父、子禽視，跪作亂

因，蘇氏。○秋，五年，大夫奉子穰，以伐王，不克

而往，書。

○林氏曰：非父與盟

而往，書。

○林氏曰：非父與盟

而往，書。

○林氏曰幽之盟曹使微者會郵之盟又使滕臣行所以受敵鄙邊邑也

○陳者曰結以為盟而勝於陳則不盟於盟為齊家所怒為勝而遂盟于郵則不專於勝為陳人所怒是以三國會兵以來伐可以見受禍之端結為之也

出奔温蘇子奉子頹以奔衛衛師燕師伐周冬立子頹

冬齊人宋人陳人伐我西鄙此見伐之始穀梁傳其曰鄙遠

也其遠之何也

胡傳 秦詞曰伐其稱人將卑師少也結左

霸責魯不恭所謂失已與人以招寇也或以結能為魯設免難之策為齊宋畫講好之計身在境外而權其國家為春秋予之故稱公子非矣

惠王二十年 齊桓十二晉獻三衛惠二十

七年曹莊二十八陳宣十九杞共七宋桓八秦宣二楚堵敖熊麇元年

春王二月夫人姜氏如莒穀梁傳婦人既嫁不踰竟踰竟非正也

○去年冬如莒至是再如莒也

○禮記經解曰夫禮禁亂之所由生猶防止水之所自來也故以舊防為無所用而變之者必有水毀以舊防為無所用而去之者必有亂患

○泉水地風篇各

○載馳驅風篇各

○六載禮云婦人從

入者也夫死從子云

胡傳 十有五年夫人姜氏如齊至是再如莒其禁亂之所由生猶坊止水之所自來也

衛女嫁於諸侯父母終思歸寧而不得故泉賦許穆夫人閔衛之亡思歸寧其兄而阻於義故載馳作聖人錄於國風以訓後世使知男女之別自遠於禽獸也今夫人如齊以寧其父母而父母已終以寧其兄弟又義不得宗國猶爾而况如莒乎婦人從人者也夫死從子而莊公失子之道不能防閑其母禁亂之所由生故初會于禚次享于祝丘又次如齊師又次會于防于穀又次如齊又再如莒此以舊坊為無所用而廢之者也是以至此極觀春秋所書之法則知防閑之道矣

附錄 左傳春鄭伯和王室不克執燕仲父夏鄭伯遂以王歸王處於櫟秋王及

鄭伯入于郕遂入成周取其寶器而還冬
王子頹立五大夫樂及徧舞鄭伯聞之見
號叔曰寡人聞之哀樂失時殃咎必至今
王子頹歌舞不倦樂禍也夫可寇行戮君
為之不舉而况敢樂禍乎嬖王之位禍孰
大焉臨禍忘憂憂必及之盍納王乎號公
日寡人之願也

夏齊大災公羊傳大災者何大瘡也大瘡者何痾也何以書記災也外災不書此何以書及我也穀○秋七月○冬齊人伐梁傳其志以甚也

戎戎穀作戎

甲惠王二十有一年齊桓十三晉獻四衛惠十八卒曹莊二十九頃宣二十杞共八朱桓九秦宣三楚堵敖二

○林氏曰齊始滅戎

○林氏曰鄭厲公卒子文公捷立

春王正月○夏五月辛酉鄭伯突卒左傳二十一年

春爾命于弭夏同伐王城鄭伯將王自圍門入號叔自北門入殺王子頹及五大夫鄭伯享王于闕西辟樂備王與之武公之略自虎牢以東原伯曰鄭伯效尤其亦將存咎五月鄭厲公卒

胡傳杜預稱莊公四年鄭伯遇於垂者乃子儀也而以厲公者按春秋突歸

干鄭之後其出奔蔡入于櫟皆以名書猶繫於爵雖篡而實君雖君而實篡不沒其實也忽雖世子其出奔猶不得稱子其復歸猶不得稱伯以其實不能君也而况子儀雖乘闕得立其為君微矣豈敢輕去國都與諸侯會于外乎故知遇於垂者乃厲公也其始終書爵不沒其實也亦可以為居正而不能保者之戒矣

○集解云書曰鄭伯突出奔蔡鄭伯突于櫟
○桓十五年書鄭忽出奔衛十五年書鄭世子忽復歸于鄭

○姜氏文姜也

秋七月戊戌夫人姜氏薨

穀梁傳婦人弗日也

附錄

左傳王巡守號號公為王官于瑋王與之酒泉鄭伯之享王也王以后之輦鑑子之號公請器王予之爵鄭伯由是始惡於王冬王歸自號

冬十有一月葬鄭厲公

齊桓十四。晉獻五。衛惠五年。二十有一年。二十八年。蔡穆三。鄭文公

捷元年。曹莊三十。陳宣二十一。杞惠公元年。宋桓十。秦宣四。楚堵敖二。

春王正月肆大眚

所景反公作省公羊傳肆也肆大省何以書譏何譏爾譏始忌省也穀梁傳肆失也眚災也災紀也失故也為嫌天子之葬也

○蔡氏曰肆縱也青謂過災謂不幸直赦之也

○解卦象辭也程子曰赦釋之宥寬之過失則赦之可也罪惡而赦之則非義也故寬之而已君子休其解散而行寬釋也

○呂氏居書篇各五刑皆謂墨劓剕宮木

刑也五罰者謂罰金百錢二百錢五百錢六百錢千錢也

○周禮秋官大司寇之屬司刺氏掌三刺之法

○蜀志第二後主紀註引華陽國志云

胡傳

肆眚者蕩滌瑕垢之稱也舜典曰眚罪呂刑曰五刑之疑有赦五罰之疑有赦周官司刺掌赦宥之法壹宥曰不識再宥曰過失三宥曰遺忘壹赦曰幼弱再赦曰老耄三赦曰蠢愚未聞肆大眚也大眚皆肆則廢天討屬國典縱有罪無辜惡人幸以免矣後世有姑息為政數行恩宥惠奸軌賊良民而其弊益滋蓋流於此故諸葛孔明曰治世以大德不以小惠其為政於蜀軍旅數興而赦不妄下蜀人久而歌思猶周人之思召公也斯得春秋之旨矣肆眚而曰大眚譏失刑也

癸丑葬我小君文姜

公羊傳文姜者何莊公之母也穀梁傳小君非

君也其曰君何也以其為公配可以言小君也

○哀姜莊公夫人見
傳公元年

○陳哲曰能謹之於
始則文姜不得歸
而今不以小君之禮
葬矣

○御寇宣公太子也

胡傳

文姜之行甚矣。而用小君之禮。其無
謂哀姜薨于夷。齊人歸之。則譏小君
典禮當謹之。於始而後可正也。文姜已歸
為國君母。臣子致送。終之
禮。雖欲與之。不可得矣。

陳人殺其公子御寇

御寇音禦。公殺作樂。此書
殺其太子御寇。陳公子完與頡孫奔齊。頡孫
自齊來奔。齊侯使敬仲為卿。辭曰。羈旅之臣
幸若獲宥。及於竟政。赦其不職。於教訓而免
於罪。疾弛於負。指君之惠也。所獲多矣。敢辱
高位。以速官。謗請以死。告。詩云。翹車乘招
我。以。豈不。欲。畏。我。友。朋。使。為。工。正。飲。相
公。酒。樂。公。曰。以。火。繼。之。辭。曰。臣。上。其。畫。未。上
其。夜。不。敢。君。子。曰。酒。以。成。禮。不。繼。以。淫。義。也
以。君。成。禮。弗。納。於。淫。也。初。懿。氏。上。妻。敬。仲。
其。妻。占。之。曰。吉。是。謂。鳳。凰。飛。和。鳴。鏘。鏘。有

○林氏曰陳人惡其殺太子之名故不稱君父以國討公子告

媯之後將育于姜五世其豎立正卿八世
之後莫之與京陳厲公蔡出也故蔡人殺五
父而之之生敬仲其小也周史有以周易見
陳侯者陳侯使萊之遇觀三三之否三三曰是謂
觀國之光利用賓于王此其代陳有國乎不
在此其在異國非此其身在其子孫光遠而
自他其有繼者也坤土也巽風也乾天也風為
天於土上山也。有山之材而照之以天光於
是乎居土上也。故曰觀國之光利用賓于王
實旅百奉之以玉帛。天地之美具焉。故曰利
用賓于王。猶有觀焉。故曰其在後乎。風行而
著於土。故曰其在異國乎。若在異國必姜姓
也。姜大嶽之後也。山嶽則配天物莫能兩大
陳衰此其昌乎。及陳之初亡也。陳桓子始大
於齊其後亡也。成子得政。穀梁傳言公子而
不言大夫。公子未命為大夫也。其曰公子何
也。公子之重視大
夫命以執公子。

○僖公五年晉侯殺其世子申生

○僖公七年鄭殺其大夫申侯

○衛人殺州吁見隱公四年

○鄭人殺良霄見襄公三十年

○林氏曰夏五月無事以首時書者五十九惟此書五月昭十年書十二月

○林氏曰公不使卿而親納幣非禮也母喪未葬而納幣二傳不見所譏左氏又無傳失禮明故

○文公二年及晉原父盟成公三年及荀庚及孫良夫盟法皆同也

○集解云主乎已配也主乎宗廟謂祭祀相助奠也

○林氏曰二下二年楚熊惲弑其兄堵敖代立今年是為楚成王元年

○林氏曰二下二年楚熊惲弑其兄堵敖代立今年是為楚成王元年

胡傳

公子之重視大夫殺而或稱君或稱國或稱人何也稱君者獨出於其君之意而大夫國人有不與焉如晉侯殺其世子申生之類是也稱國者國君大夫與聞其事而不請於天子如鄭殺其大夫申侯之類是也稱人者有二義其一國亂無賊人人擅殺而不出於其君則稱人如陳人殺其公子御寇之類是也其一弑君之賊人人所得討背叛之臣國人之所同惡則稱人如衛人殺州吁鄭人殺良霄之類是也攷於傳之所載以觀經之所斷則罪之輕重見矣

夏五月○秋七月丙申及齊高傒盟于防

齊高傒者何貴大夫也曷為就吾微者而盟公也公則曷為不言公諱與大夫盟也穀梁傳不書此何以言公高傒仇也冬公如齊納幣

書譏何譏爾親納幣非禮也穀梁傳納幣大夫之事也禮有納采有問名有納徵有告期四者備而後娶禮也公之親納幣非禮也故譏之

胡傳

微者名姓不登於史冊高傒齊之貴大夫也曷為就吾之微者盟蓋公也其不言公諱與高傒盟也來議結昏娶仇人女大惡也娶者其為吉下主乎已上主乎宗廟以為有人之心者宜於此焉變矣公親如齊納幣則不待與也

庚惠王二十有三年齊桓十五晉獻六衛惠六年二十九蔡穆四鄭文二

曹莊三十一卒陳宣二十二祀惠二宋桓十一秦宣五楚成王頽元年

春公至自齊

公羊傳桓之盟不日其會不致也何危爾公祭叔來聘何也天子之內臣

○祭伯見隱公元年
○祭叔范氏曰祭叔
家內諸侯叔各

○尹氏見隱公三年
○王子虎見文公三
年
○劉卷見定公四年

○何氏曰觀社者觀
祭社謀淫言觀社者
與親納幣同義

○左傳曹劌諫曰不可夫社所以聚民也故會以刑上下之則制財用之節朝以正班爵之義帥
之義帥長幼之序征伐以討其不然諸侯有主王有巡符以大臣之非是君不舉矣君舉必書書
必書云又見魯語

○集解云謂書荆入
蔡荆伐鄭也

也不正其外也
故不與使也

胡傳

穀梁子曰其不言使天子之內臣也
而不正其私交故不與使也祭伯來朝
而不言朝祭叔來聘而不言使尹氏王子
虎劉卷來訖而不書其爵秩皆所以正人
臣之義也人君而明此不容下比之臣人
臣而明此不為私交之計黨錮之禍息矣
夏公如齊觀社左傳非禮也曹歲諫曰不可
上下之則制財用之節朝以正班爵之義帥
長幼之序征伐以討其不然諸侯有主王有
巡守以大罰之非是君不舉矣君舉必書書
而不法後嗣何觀公羊傳何以書譏何譏爾
諸侯越境觀社非禮也穀梁傳常事曰視非
常曰觀觀無事之辭也以是為尸女也無事
竟

胡傳

莊公將如齊觀社曹劌諫曰齊棄大
觀之非故業也天子祀上帝諸侯會之受
命焉諸侯祀先公卿大夫佐之受事焉不
聞諸侯之相會祀也君舉
必書書而不法後嗣何觀

附錄

左傳晉桓莊之族逼獻公患之土蒍
爾試其事一與群公
子謀諧富子而去之

公至自齊

穀梁傳公如往時正也致月
故也如往月致月有懼焉爾
荆

人來聘

楚交中國始此公羊傳荆何以稱人
始能聘也穀梁傳善累而後進之其
日人何也舉
道不待再

胡傳

荆自莊公十年始見于經十四年入
蔡十六年伐鄭皆以州舉者惡其猶

○陳氏云聖人與天下為一家故於夷狄未嘗深絕也來則受之舊夏則膺之進退惟宜此所以為聖人

○林氏曰此僭朝於方岳之禮

○集解云其說見下二事以明其物與所也

夏不恭故秋之也。至是來聘遂稱入者嘉其慕義自通故進之也。朝聘者中國諸侯之事。雖蠻夷而能修中國諸侯之事則不念其僭夏不恭而遂進焉。見聖人之心與與人為善矣。後世之君能以聖人之心為心則與天地相似。凡變於夷者叛則懲其不恪而威之以刑。來則嘉其慕義而接之以禮。適人安遠者服矣。春秋謹華夷之辨而辨與徐越諸夏之變於夷者故書法如此。

公及齊侯遇于穀穀梁傳及者內為志蕭叔

朝公公羊傳其言朝公何公在外也穀梁傳微國之君未爵命者其不言牙於外也

朝於廟正也於外非正也

胡傳穀齊地蕭叔附庸之君也為禮必當其物與其所而後可以言禮大夫宗

○禮記檀弓云哀公使入弔黃尚遇諸道辟於路書官而受弔焉黃子曰黃尚不如死於梁之妻之知禮也

○林氏曰黃莊公卒子傳公夷立

○林氏曰魯地

婦覲而用幣則非其物也。蕭叔朝在穀之穀則非其所也。嘉禮不野合而朝公在外是委之於野矣。故禮非其所君子有不受必反之於正而後止。此亦春秋撥亂之意。

秋丹桓宮楹左傳秋丹桓宮之楹公羊傳何也穀梁傳禮天子諸侯黜聖大夫倉士讎丹楹非禮也冬十有一月

曹伯射姑卒○十有二月甲寅公會齊侯盟

于扈音戶公羊傳桓之盟不日此何以日危也何危爾我貳也魯子曰我貳者非

彼然也

胡傳程氏曰遇于穀盟于扈皆為要結姻好也傳稱男子二十而冠冠而列女

○禮記曲禮曰二十而冠三十而有室

○書舜典云舜生三十徵庸而登降二女于湯納適是徵庸之後故因此推之知三十而未娶而歸錫之謂之鰥而在下耳

○孟子萬章篇萬章問曰詩云娶妻如之何必告父母信斯言也宜其如舜舜之不告而娶何也孟子曰告則不得娶男女居室人之大倫也如告則廢人之大倫是以不告也

春秋四傳卷之九

六三十而不娶則非禮矣然天子諸侯十五而冠者以娶必先冠而國不可久無儲貳欲人君早有繼體故因以為節也鰥者老而無妻之稱舜方三十未娶而師錫帝堯已曰有鰥在下矣妻帝之二女則不告於父母以為告則不得娶而廢人之大倫堯亦不告而妻焉其欲及時而無過如此也今莊公生於桓公之六年至是三十有六載矣以世嫡之正諸侯之貴尚無內主同任社稷之事何也蓋為文姜所制使必娶于母家而齊女待年未及故莊公越禮不顧如此其急齊人有疑如此其緩而遇于數盟于扈要結之也娶夫人奉祭祀為宗廟之士而母言是聽不以大義裁之至於失時不孝甚矣春秋詳書于策為後戒也

春秋四傳卷之十

莊公四

辛惠王二十有四年

齊桓十六。晉獻七。衛惠三十。蔡穆五。鄭文二。曹

僖公赤元年。陳宣二十三。杞惠三。宋桓十二。秦宣六。楚成二。

春王三月刻桓宮桷

左傳春刻其桷皆非禮也。御孫諫曰。臣聞之。儉

○疏云新宮宣公之言之故謂之新宮。今惠公不于故并言桓宮以見非正也

德之共也。後惡之大也。先君有共德而君納諸大惡。無乃不可乎。公羊傳何以書譏。何譏。爾刻桓宮桷。非禮也。穀梁傳禮天子之桷。刻之。加密石焉。諸侯之桷。斲之。斲之大夫。斲之。士。斲之本。刻。桷非正也。夫人所以崇宗廟也。取非禮與非正而加之。於宗廟以飾夫人。非正也。刻桓宮桷。非禮也。桓宮以惡莊也。

○左傳云昭公為妾不與嬖戲無度年十矣猶有童心君子以是譏之今莊公盛飾楹楹以誇夫人亦童心而已○童心兒意之心也

○莊氏曰不言新官而謂之桓官以桓見數於齊而飾其宗廟以榮離國之女惡莊公之不子

○陳哲云此數事失而書者如公之圖婚會數盟冠不公納幣如齊逆女未入姜氏至自齊季姬歸于鄭皆志其失也

○即位者人道之始崩薨卒葬人道之終

胡傳

公將逆姜氏丹桓官之楹刻其楹為御孫諫曰儉德之共也後惡之大也先君有共德而君納諸大惡無乃不可乎自常情觀之丹楹刻楹宜若小失而春秋謹書于策御孫以為大惡何也桓公見殺于齊則不能復而盛飾其宮誇示仇人之女乃有亂心廢人倫悖天道而不知正者也御孫知為大惡而不敢盡言春秋謹書於微正後世人主之心術者也故詳書于策斥言桓官以惡莊為後鑒也

葬曹莊公○夏公如齊逆女

傳親迎桓事也不志此其志何也小正其親迎於齊也穀梁傳迎者行見諸舍見諸先至非正也

秋公至自齊

胡傳

穀梁子曰親迎常事也不志此其志何也不正其親迎於齊也或曰常事不志歲事之常也親迎可以常乎則其說誤矣所謂常者其事非一有月事之常則視胡是也有時事之常則蒐狩是也有歲事之常則郊祀雩祭之類是也有合禮之常則婚姻納幣逆女至歸之類是也凡此類合禮之常則不志矣其志則於禮不合將以為戒者也若夫崩薨卒葬即位之類不以禮之合否而皆書此人道始終之大變也其於親迎異矣

八月丁丑夫人姜氏入

左傳秋哀姜至公羊傳其言入何難也其言曰何難也其難奈何夫夫人不僕不可使入與公有以約然後穀梁傳入者內弗受也日入惡人者也何用不受也以宗廟弗受也其以宗廟弗受何也娶仇人子弟以薦舍於

○集解云親迎之禮前其義不可受也
御車授綏以明授受
男幸女女從男以明
婦順陰陽之義也今
莊公既如齊逆女而
不娶姜氏是失授受
之禮矣姜氏不從公
而入是失順從之義
矣夫婦人儉之始始
之不止矣有正於後
乎是為禮固有見於
是矣

前其義不可受也

胡傳

何以不致不可見乎宗廟也姜氏齊
弗受也昏義以正始為先而公不與夫人
皆至姜氏不從公而入已失夫婦之正也
閔孫孫之亂兆矣莊公不勝其不禮禮踰
時侯從人之女薦舍於宗廟以成好合卒
使宗廟不立弒逆相仍幾至亡國故春秋
詳書其事以著莊公不孝之罪為後戒也
戊寅大夫宗婦覲用幣左傳公使宗婦覲用幣
幣非禮也御孫曰男
賁大者玉帛小者禽鳥以章物也女贄不過
榛栗棗脩以告虔也今男女同贄是無別也
男女之別國之大節也而由夫人亂之無乃
不可乎公羊傳宗婦者何大夫之妻也覲者
何見也用者何用者不宜用也見用幣非禮
也然則曷用棗栗云乎服脩云乎穀梁傳覲

○疏曰不言見而言
覲覲者私事大夫公
然行之故言覲以明
其私也

○集解云榛似栗而
小脩似脯而長榛栗
棗脩四物為婦人之
贄皆取其名以告虔
敬也

○左傳衛孫曰男女
之別國之大節也而
由夫人亂之無乃不
可乎

○公子牙慶父皆桓
子莊公兄弟後淫乎

見也禮大夫不見夫人不言及不正其行婦
道故列數之也男子之贄羔鴈雉紈婦人之
贄棗栗綴脩用幣非禮也月者不宜用者也
大夫國體也而行婦道惡之故謹而日之也

胡傳

禮夫人至大夫郊迎明日執贄以見
宗婦大夫之妻也公事曰見私事曰
覲見夫人禮也曷為以私言之夫人不可
見乎宗廟則不可以臨群臣故以私言之
也覲用幣何以書男贄犬者玉帛小者禽
鳥以章物也女贄不過榛栗棗脩以告虔
也今男女同贄是無別也公子慶父
父之亂兆矣春秋詳書正始之道也

附錄

左傳晉士蒍又與羣公子謀使殺蒍
氏之二子士蒍告晉侯曰可矣不遇
二年若
必無患

大水○冬戎侵曹曹羈出奔陳赤歸于曹

夫人

○集解云二十三年冬曹莊公卒去年春葬蓋踰年可稱爵不稱故也

○同云忽霸皆嫡子而突赤皆庶子也突優於忽而藉突權亦勝於霸而執戎力蓋其事相同故書法不異也

○集解云以忽之例推之也亡字誤為公耳

○劉氏曰郭亡者郭國之亡也

○集解云漢知郭東生為魯而不用故恭願得志唐知郭貴為魯而不思故王守澄得志因循以至於亡皆以是也

傳曹羈者何曹大夫也曹無大夫此何以書賢也何賢乎曹羈戎將侵曹曹羈諫曰戎衆以無義君請勿自敵也曹伯曰不可三諫不從遂去之故君子以為得君臣之義也

胡傳

杜預謂羈蓋曹世子也曹伯已葬猶不稱爵者以微弱不能君故為戎所逐爾赤者曹之庶公子歸易詞也宋人執鄭祭仲而忽出突歸權在宋也戎侵曹而羈出赤歸制在戎也使鄭忽言羈明而能斷雖有宋戎之衆突赤之勢同緣而起以國儲君副不能自定其位於誰責而何故雖以國氏皆不書爵為君正者之戒

郭公

公羊傳赤歸于曹郭公赤者何曹無赤者蓋郭公也郭公者何失地之君也

胡傳

此郭公也義不可曉而先儒或以為郭亡者於傳有之齊桓公之郭問父

梁傳亦蓋郭公也何緣名也禮諸侯無外歸之義外歸非正也

老曰郭何故亡曰以其善善而惡惡也公曰若子之言乃賢君也何至於亡父老曰郭君善善不能用惡惡不能去所以亡也考其時與事謂之郭亡理或然也夫善善而不能無貴於知其惡未之或知者猶有所觀也夫既或知之矣不能行其所知君子所以高舉遠引小人所以肆行而無忌憚也然則非有能亡郭者郭自亡爾

子壬

惠王二十有五年齊桓十七晉獻八衛惠八年陳宣二十四杞惠四宋桓十三秦宣七楚成二

春陳侯使女叔來聘

女音汝此諸侯交聘之始左傳陳女叔來聘始

結陳好也嘉之故不名穀梁傳其不名何也天子之命大夫也

夏五月癸

也 是交聘齊桓公為之 若姬薨無聘者矣於 姪也前乎此非王室 曰諸侯始友

○惠公卒于齊公赤

丑衛侯朔卒○六月辛未朔日有食之鼓用

牲于社左傳非常也唯正月之朔慝未作日

公羊傳日食則曷為鼓用牲于社求乎陰之

道也以朱絲營社或曰魯之或曰為閭里人

犯之故營之穀梁傳言日言朔食正朔也鼓

禮也用牲非禮也天子救日置五麾陳五兵

三鼓諸侯置三麾陳三鼓二兵大夫擊門士擊柝言充其陽也

胡傳按禮諸侯旅見天子入門不得終禮

變人君所當恐懼脩省以答天意而不敢

忽也故夏書曰乃季秋月泚辰弗集于房

警奏鼓畜夫馳庶人走庭官鼓八救日月

則詔王鼓太僕凡軍旅田役贊王鼓救日月

月亦如之諸侯用幣于社伐鼓于朝退而

自責皆恐懼脩省以答天意而不敢忽也

○周官鼓人周禮春官太司樂之屬○太僕夏官太司馬之屬

○夏書胤備篇

○禮記曾子問曰諸

侯旅見天子入門不

得終禮者幾孔子曰

四謂門之曰太廟火

日食后之喪兩沓服

矢容則廢

○隱公二年紀裂繻
來逆女冬十月伯姬
歸于紀傳曰逆女親
者也使大夫非正也
又曰書裂繻逆女以
志變常大婚之禮嚴
矣蓋志其失禮之始
也
○二十七年莒慶來
逆叔姬宣五年齊高
固來逆子叔姬所謂
以大夫而即圖婚也

然則鼓用牲于社何以書譏不鼓

于朝而鼓于社又用牲則非禮矣

伯姬歸于杞穀梁傳其不言逆何也

胡傳其不言逆何也逆者非鄉其名姓不

夫來逆名姓已登於史策足以志禮之失也大

猶書歸者以別於大夫之自逆者也猶書

者莒慶齊高固是也自逆

秋大水鼓用牲于社于門左傳亦非常也凡

日月之書不鼓公羊傳其言于社于門何于

社禮也于門非禮也穀梁傳高下有水災曰

大水既戒鼓而鼓衆用牲可以

附錄

左傳晉士為使羣公子盡殺游氏之

春秋卷二

五

此曰報安叔之始
聘此內大夫出聘之

羣公

冬公子友如陳

癸惠王二十有六年 齊桓十八。晉獻九衛懿
九年 公赤元年。蔡穆七鄭文

五曹僖三。陳宣二十五。杞惠
五。宋桓十四。秦宣八。楚成四。

春公伐我

附錄

左傳春晉士蔿為大司空
夏士蔿城絳以深其宮

夏公至自伐我。曹殺其大夫。此專殺大夫
之始。公年傳

何以不名衆也。曷為衆殺之不死于曹君者
也。吾死乎位。曰滅曷為不言其滅為曹羈諱也。殺染
也。此蓋戰也。何以不言戰為曹羈諱也。殺染
傳言大夫而不稱名。姓無命。大夫也。無命大

○宋人殺其大夫見

僖公二十五年

○楚殺其大夫得臣

見僖公二十八年

○陳殺其大夫洩冶

見宣公九年

○五伯者齊桓晉文

宋襄楚莊秦穆是也

○二王者夏禹商湯

周文武是也

○蔡丘之會僖公九

年齊桓公會諸侯於

葵丘

夫而曰大夫賢
也為曹羈崇也

胡傳

稱國以殺者國君大夫與謀其事不
請於天子而擅殺之也。義繫於殺則

止書其官。曹殺其大夫宋人殺其大夫是
也。義繫於人則兼書其名氏。楚殺其大夫
得臣。陳殺其大夫洩冶之類是也。然殺大
夫而曰大夫與謀其事何也。與謀其事者
用事之大夫也。見殺者不得於君之大夫
也。所謂義繫於殺者。罪在於專殺而見殺
者之是非有不足紀也。故止書其官而不
錄其名氏也。古者諸侯之卿大夫士命于
天子。而諸侯不敢專命也。其有罪則請于
天子。而諸侯不敢專殺也。及春秋時國無
大小。卿大夫士皆專命之。而不以告于王
朝。有罪無罪皆專殺之。而不以歸於司寇
無王甚矣。五伯二王之罪久。而葵丘之會
猶曰無專殺大夫。故春秋明書于策。借

○陳善曰蓋桓公有
所以備天子禁也
○莒殺其大夫之事
不經見惟昭公十四
年莒殺其公子意恢

○林氏曰宋序齊上
主兵
○書魯誓篇有之

○林氏曰伯姬非公
女洮也

○何氏曰書者惡公
教內女以非禮洮內
也凡公出在外致在
內不致其與婦人會
不別得意雖在外猶
不致

○僖公十四年季姬
及鄆子遇于防蓋使
自擇配而遇也

子之禁也。凡諸侯之大夫方其交政中華
會盟征伐雖齊晉上卿止錄其名氏至於
見殺雖曹莒小國亦書其官或抑或揚或
奪或予。聖人之大用也。明此然後可以司
賞罰之權矣。

秋公會宋人齊人伐徐

胡傳 按書伯禽嘗征徐戎則戎在徐州之
域為魯患舊矣是年春公伐戎秋又
伐徐者必戎與徐合兵表裏為魯國之患
也故雖齊宋將卑師少而公獨親行其不
致者役不淹時而齊人
同會則無危殆之憂矣

附錄 左傳秋虢人侵晉
冬虢人又侵晉

冬十有二月癸亥朔日有食之

甲惠王二十有七年 齊桓十九 晉獻十 衛懿
四 陳宣二十六 杞惠六 宋
桓十五 秦宣九 楚成五

春公會杞伯姬于洮 徒力反左傳非事也天
非君命不越竟

胡傳 左氏曰會于洮非事也天子非展義
不越境作姬莊公之女非事而特會于洮
愛其女之過而不能節之以禮此春秋之
所禁也惟不節之以禮然後有使自擇配
如僖公之於季
姬而與訓亡矣

夏六月公會齊侯宋公陳侯鄭伯同盟于
左傳夏同盟于幽陳鄭服也穀梁傳同盟者有

○林十日衣裳之會
五齊初王盟於其書
公矣

○魏云前同盟于幽
諸侯尚有疑者今外
內同心推桓為伯得
專征伐一任成切合
之功此同盟之說也

○左傳曰同盟于幽
陳服也林氏曰卒
十二年陳亂而齊納
敬仲二十五年鄭文
公獲成于楚皆有貳
心於齊今盟于幽陳
鄭始服也

同也同尊周也於是而後授之諸侯也其授
之諸侯何也齊侯得衆也桓會不致安之也
桓盟不日信之也信其信仁其仁衣裳之會
十有一未嘗有歃血之盟也信厚也兵車之
會四未嘗有天子
戰也愛民也

胡傳

同盟之例有惡其反覆而書同盟有
欲而書同盟者也凡盟皆小國受命於大
國不得已而從焉者也其有小國願與之
盟非出於勉強者則書同盟所以志同欲
也前此鄭伯嘗貳於齊矣至是齊桓強盛
有伯中國攘夷狄之勢諸侯皆歸之鄭伯
於是焉有畏服之心其得與於盟所欲也
故特書同盟穀梁子所謂於是而後授之諸
侯是也其授之諸侯齊侯得衆也視他盟
為愈矣

秋公子友如陳葬原仲

左傳非禮也原仲季
友之舊也公羊傳原

仲者何陳大夫也大夫不書葬此何以書通
乎季子之私行也何通乎季子之私行辟內
難也君子辟內難而不辟外難內難者何公
子慶父公子牙公子友皆莊公之母弟也公
子慶父公子牙通乎夫人以脅公季子起而
治之則不得與于國政坐而視之則親親因
不忍見也故於是復請至于陳而葬原仲也
穀梁傳言葬不言卒不葬者也不葬而曰葬
諱出奔也

胡傳

公子友如陳葬原仲私行也人臣之
禮無私交大夫非君命不越境何以
通季子之私行而無貶乎曰春秋端本之
書也京師諸夏之表也祭伯以寡內諸侯
而來朝祭叔以王朝大夫而來聘尹氏以
天子三公來告其喪謚下行私表不正矣

○集解云京師諸夏
之表而此數事皆不
當行之事所以為表
不正也

○高固事在宣五年
昔慶事在今年三人
皆大夫越境而非君
命者也

○陳莊子事見禮記
檀弓篇

○林氏曰伯姬莊公
之女來魯國寧問父
母安否也

○鄭氏曰國君夫人
父母在則歸寧沒則
使大夫寧於兄弟

○詩邶風泉水篇云女子有行遠父母兄弟云

○林氏曰杞伯者
蓋為時王所黜

○陳哲云稱女為尊
稱字為卑尊卑相敵
故為非禮

○何氏曰大夫任重
為越境逆女於政事
有所損曠故境內乃
得親迎所以屈私赴
公也

是故季子違王制委國事越境而會
高固莒慶以大夫即魯而圖婚其後陳莊
子死赴喪於魯魯人欲勿哭公召縣子
而問焉曰古者大夫束脩之問不出境雖
欲哭焉得而哭諸今之大夫交政於中國
雖欲勿哭焉得而勿哭未流可知矣春秋
深貶王臣以明始亂備書諸國大夫而無
譏焉則以著其效也凡此皆正其本之意
冬杞伯姬來左傳歸寧也凡諸侯之女歸寧曰來
某出曰歸于某公羊傳其言
來何直來曰來大歸曰來歸

胡傳左氏曰歸寧也禮父母在歲一歸寧
若歸而合禮則常事不書其曰杞伯
姬來者不當來也女子有行遠父母兄弟
春會于兆矣冬又歸魯故知其不當來也
來而必書春秋於男
女往來之際嚴矣

附錄左傳晉侯將伐虢上為曰不可虢公
驕若戰得勝於我必棄其民無憂而
後伐之欲樂我誰與夫禮樂茲愛戰所
也夫民讓事樂和愛親哀喪而後可用也
虢弗畜也
亟戰將鏖

莒慶來逆叔姬公羊傳莒慶者何莒大夫也
爾大夫越竟逆女非禮也穀梁傳諸侯之嫁
子於大夫主大夫以與之來者接內也不正
其接內故不與
夫婦之稱也

胡傳稱字大夫自逆則稱字為其君逆則
稱女尊卑之別也何以書諸侯嫁
女於大夫而公自主之非禮也

杞伯來朝

○漢書地理志

附錄

左傳王使召伯康賜齊侯命
且請伐衛以其立子頹也

公會齊侯于城濮

惠王二十有八年

齊桓二十晉獻十一
衛懿三蔡穆九鄭文

七年曹僖五陳宣二十七杞惠
七年宋桓十六秦宣十楚成六

春王三月甲寅齊人伐衛衛人及齊人戰衛

人敗績

左傳春齊侯伐衛戰敗衛師數之以
王命取賂而還公羊傳伐不自此何

○集解云愚按公羊
之意是二暴在齊然
而齊人即應兵接戰
乃非齊之暴而見衛
人之強也

以日之戰不言伐此其言伐何至之
日也春秋伐者為客伐者為主故使衛主之
也曷為使衛主之衛未有罪爾敗者稱師衛
何以不稱師未得乎師也穀梁傳於伐與戰
安戰也戰衛戰則是師也其曰人可也微之
也何為微之也今授之諸侯而後有侵伐之

事故微之也其人衛何也以其人齊不可不
入衛也衛小齊大其以衛父之河也以其微
之可以言及也其稱人以
敗何也不以師敗於人也

胡傳

春秋紀兵及者為主齊人舉兵而伐
衛衛人見伐而受兵則其以衛及之

○周禮秋官司寇掌
刑獄之官

○左傳僖公四年齊
伐楚楚子使與師言
曰君處北海寡人處
南海惟是風馬牛不
相及也不虞君之涉
吾地也何故即請故之
意也

何也按左氏衛嘗依周立子頹至是王使
召伯康賜齊侯命且請伐衛則齊人舉兵
乃奉王命聲衛立子頹之罪以討之也為
衛討者誠有是罪則當請歸司寇服刑可
也若惠微康叔不泯其社稷使得自新亦
唯命則可以免矣今不徵詞請罪而上逆
王命下拒方伯之師直與交戰則是衛人
為志于此戰故以衛主之也戰不言伐伐
不言日而書日者戰之日也見齊人奉命
伐罪方以是日至而衛人不請其故直以
是日與之戰所以深疾之也而聖
人之情見矣齊稱人將卑師少也

附錄

生秦穆夫人及太子申生又娶二女於戎天戎孤姬生重耳小戎子生夷吾晉伐驪戎驪戎男嬖欲立其子貽外嬖梁五與生卓子驪姬嬖欲立其子貽外嬖梁五與東關嬖五使言於公曰曲沃君之宗也蒲與二屈君之疆也無主則啓戎心戎之無主則民不威疆場無主則啓戎心戎之無主則民慢其政國之患也若使太子主曲沃而重耳夷吾主蒲趙盾則可以威民而懼戎且旌君伐使俱曰狄之廣莫於晉爲都晉之啓土不亦宜乎晉侯說之夏使太子居曲沃重耳居蒲城夷吾居屈羣公子皆歸唯二姬之子在絳二五卒與驪姬譖羣公子而立奚齊晉人謂之二五耦

夏四月丁未邾子瑱卒果反 ○秋荆伐鄭

○林氏曰文公獲麟立○諸侯救始此

○何氏曰善中國能相救也

傳荆者楚也其公會齊人宋人救鄭宋人下

日荆州舉之也 夫人元欲蠶文夫人爲館於其宮側而振萬焉夫人聞之泣曰先君以是舞也費我備也今令尹不尋諸仇讐而於未亡人之側不亦異乎御人以告子元子元曰婦人不忘襲讐我反忘之秋子元以車六百乘伐鄭入于栢柵之門子元闚御疆闢梧次之不比爲旃關班三孫游三孫喜殿衆車入

官純門及達市縣門不發楚言而出子元曰鄭有人焉諸侯救鄭楚師夜遁鄭人將奔桐丘謀告曰楚幕有鳥乃止穀梁傳善救鄭也

胡傳按左氏楚令尹子元無故以車六百乘伐鄭入自純門是陵弱暴寡之師也故以刑舉狄子也鄭人將奔桐丘諸侯救之楚師夜遁是得救急恤鄰之義也故書救鄭善之也齊宋稱人將甲師桓公主兵攘夷狄安中國之事是矣

胡傳

按左氏楚令尹子元無故以車六百乘伐鄭入自純門是陵弱暴寡之師也故以刑舉狄子也鄭人將奔桐丘諸侯救之楚師夜遁是得救急恤鄰之義也故書救鄭善之也齊宋稱人將甲師桓公主兵攘夷狄安中國之事是矣

○林氏曰郟魯下邑

○築王雉之雉築臺于即築即園之類是也

○林氏曰書於冬者立穀單人許食不足而後書也

○禮記王制云天子制國用必於歲之抄五穀皆入然後制國用用地大小視年之豐耗以三十年之通制國用量入以為出

○制國無九年之蓄曰不足無六年之蓄曰急無三年之蓄曰國非其國也三年耕必有一年之食

○集解云所謂寄生之君即是其國非其國之謂也君而寄生於養民亦未矣

○林子曰明城文仲

○國語魯語云魯鐵文仲曰國病矣蓋以名與諸余于齊公曰誰使對曰國有飢饉卿出告余古之制也辰也備卿請如齊公使從從者曰君不命而請之其為去事乎

冬築郟郟芒悲友公穀作微左傳非都也凡邑有宗廟先君之主曰都無曰邑邑曰築郟曰城穀梁傳山林藪澤之利所以與民共也虞之非正也

胡傳 郟邑也凡用功大曰城小曰築故館則書築臺則書築園則書築郟邑而書築者創作邑也其志不視歲之豐凶而輕用民力於其所不必為也則非人君之失

大無麥禾 公羊傳冬既見無麥禾矣曷為先言築微而後言無麥禾謹以凶年

造邑也穀梁傳大者有顧之辭也於無禾及無麥也

胡傳 麥熟於夏禾成在秋而書於冬者莊公惟宮室臺榭是崇是飾費用浸廣調度不充有司會計歲入之多寡虛實然後知倉廩之竭也故於歲抄而書曰大無

麥禾大無者倉廩皆竭之詞也古者三年耕餘一年之食九年耕餘三年之食今莊公享國二十八年當有九年之積而車馬器物如此所謂寄生之君也民事古人所急食者養民之本不敦其本而肆後心何以為國故下書滅孫辰告糴以病公而戒來世為國之不務也

滅孫辰告糴于齊 左傳冬饑滅孫辰告糴于齊禮也公羊傳告糴者何

請糴也何以不稱使以為滅孫辰之私行也必為以滅孫辰之私行君子之為國也必有三年之委一年不熟告糴譏也穀梁傳國無三年之畜曰國非其國也一年不升告糴請侯告請也糴糴也不正故舉滅孫辰以為私行也國無九年之畜曰不足無六年之畜曰急無三年之畜曰糴孫辰告糴于齊告然後與侯相歸粟正也

文仲曰賢者急病而讓夷居官當事不避難我不如齊非急病也在上不恤下居官而惰非事君也文仲以幣圭與王誓如齊齊人歸其玉而與之

之言內之無外交也古者稅什一豐年補敗不外求而上下皆足也雖累凶年民弗病也一年不艾而百姓幾君子非之不言如為內諱也

胡傳

劉敞曰不言如齊告糴而曰告糴于齊者言如齊則其辭緩告糴于齊則其情急所以譏大臣任國事治名而不治實之蔽也魯人悅其名而以急病讓夷為功君子責其實而以不能務農重穀節用愛人為罪

丙辰

惠王二十有九年 齊桓二十一 晉獻十 衛懿四 蔡穆十 鄭

文八 曹備六 陳宣二十八 杞惠八 宋桓十七 秦宣十一 楚成七

春新延廡

中而日出日中而入公羊傳新延廡者何脩舊也脩舊不書此何以書譏何譏爾凶年不脩穀梁傳延廡者法廡也其言新有

○韓自初烈王二十三年余夏為諸侯至昭侯凡六世○見史記韓世家十五

○通鑑綱目顯王三十六年韓昭侯作高

門高門宜曰君必不出此門何也云至是門成而昭侯薨

故也有故則何為書也古之君人者必時視民之所勤民勤於力則功繁罕民勤於財則貢賦少民勤於食則百事廢矣矣築微春新延廡以其用民力為已悉矣

胡傳

高門宜曰曰不時所謂時者非時且也人固有利不利時前年秦拔宜陽今年旱君不以此時恤民之急而顧益吝此所謂時誦舉贏者也故穀梁子曰古之君入者必時視民之所勤民勤於力則功繁罕民勤於財則貢賦少民勤於食則百事廢矣矣大無麥未告糴于齊冬築都春新延廡以其用民力為已悉矣

夏鄭人侵許

左傳凡師有鐘鼓曰侵無日侵輕曰襲○秋有蜚蜚扶味反羊傳何以書記異也穀梁傳一有

○集解云如邾民之
隨太三則紀侯不
矣蓋言紀侯之不齊
民心也

○冬十有二月紀叔姬卒

胡傳 紀已滅矣其卒之何見紀侯去國終
不能自立異於古公宣父之去故特

書叔姬卒而不卒紀侯以明其不爭而
去則可能使其民從而不釋則微矣

城諸及防防傳書時也凡土功龍見而畢務
日全而畢穀梁傳可

城也以天及小也

附錄 左傳樊
皮叛王

丁巳 惠王三十年 齊桓二十二晉獻十三衛
懿五蔡穆十一鄭文九曹

僖七陳宣二十九杞惠九宋
桓十八秦宣十二楚成八

春王正月

○林氏曰諸侯皆魯
邑

○林氏曰無傳齊將降鄆故設備○次于澠書公于即與師之此但書次以為不宣書也

○又云紀附庸國也
小國孤危不能自固
蓋齊造以其威脅使
降附

夏師次于成左無師字穀梁傳次止也有畏
不能救

附錄 左傳春王命號公討樊皮夏四月丙
辰號公入樊執樊仲皮歸于京師

附錄 左傳楚公子元歸自伐鄭而處王宮
闕射師諫則執而櫜之○秋申公闕

班殺子元闕殺於莒為令君
自毀其家以紿楚國之難

秋七月齊人降鄆降戶江反鄆音章公羊傳
鄆者何紀之遺邑也降之

者何取之也取之則曷為不言取之為桓公
諱也外取邑不書此何以書盡也穀梁傳降

猶下也鄆紀
之遺邑也

胡傳 降者脅服之詞前書鄭降于齊師意
責魯也此言齊人降鄆專罪齊也鄆

○集解云以威九相
恐曰脅

○集解云去年十二月卒至此九月而葬叔姬之行賢矣魯史存之備矣聖人與之至矣節義之在人其見重於世也如是後之人可不鑒哉嗟夫今人之多虧義失節也忘故夫為樓塵視未家為寄館衣肉未寒而再嫁者吾見多矣其亦叔姬之罪人歟

者紀之附庸微乎微者也齊人不道肆其強力脅使降附不書鄭降而曰降鄭者以齊之強故罪之深以鄭之微故責之薄春秋之法扶弱抑強明道義也霸者之政以強臨弱急事功也故曰五伯三王之罪人仲尼之徒無道桓文之事者

八月癸亥葬紀叔姬公羊傳外夫人不書葬此何以書隱之也何隱

爾其國亡矣徒葬乎叔爾穀梁傳不日卒而日葬閔紀之亡也

胡傳 既卒不歸宗國而歸于鄭所謂素節守義不以亡故而睽婦道者也故繫之於紀而錄其卒葬先儒謂賢而得書是也賢而得書所以為後世勸也

九月庚午朔日有食之鼓用牲于社○冬公

○休氏曰濟水歷齊魯界蓋魯地也

及齊侯遇于魯濟濟子禮反左傳冬遇于魯濟謀山戎也以其病燕故也穀梁傳及者內為志焉爾遇者志相得也

○陳鶴曰二傳不同本意以公羊為正學

齊侯也其稱人何貶曷為貶子司馬平曰蓋以操之為已蹙矣此蓋戰也何以不書戰春秋敵者言戰桓公之與戎狄驅之爾穀梁傳齊人者齊侯也其曰人何也愛齊侯乎山戎也其愛之何也桓內無因國外無從諸侯而越千里之險北伐山戎危之也則非之乎善之也何善乎爾燕周之分子也貢職不至由戎為之伐矣

○集解云燕周太保召康公之後○左傳遇於魯濟謀伐山戎也以其病燕故也

胡傳 齊人者齊侯也其稱人譏伐戎也自為主將亦未嘗與大眾出而伐故魯莊十一年而後凡用兵皆稱人者以將甲師少而獨以爲齊侯何也以此來獻戎捷稱齊侯則知之矣夫

○集解云燕周太保召康公之後○左傳遇於魯濟謀伐山戎也以其病燕故也

齊人者齊侯也其稱人譏伐戎也自為主將亦未嘗與大眾出而伐故魯莊十一年而後凡用兵皆稱人者以將甲師少而獨以爲齊侯何也以此來獻戎捷稱齊侯則知之矣夫

○史記齊世家曰山
戎燕燕桓公救燕遂
伐南戎至于孤竹命
燕君納貢于周諸侯
聞皆從之

○不毛之地謂沙漠
不生草木之地

○伐楚之役見舊公
四年

北戎病燕戰貢不至桓公內無因國外無
從諸侯越千里之險為燕開地可謂能脩
方伯連帥之職何以譏之乎桓不務德勤
兵遠伐不正王法以譏其罪則將開後世
之君勞中國而事外夷捨近政而貴遠略
困吾民之力爭不毛之地其患有不勝言
者故特與而稱人以爲好武功而不脩文
德者之戒也然則伐楚之役何以美之其
謂退師召陵責以大義不務交兵而強楚
自服乎觀此可以見聖人強本治內柔服
遠人之
意矣

戊惠王十三年有一年 齊桓二十三 晉獻十
四年 四 衛懿六 蔡穆十二

鄭文十 曹僖八 陳宣三十 杞惠十
宋桓十九 秦成公元年 楚成九

春築臺于郎 爾臨民之所漱浣也

○何氏曰天子有靈臺以候天地諸侯有時臺以候四時登高遠望人情所樂動而無益
於民者雖樂不為也四方而高曰臺

○孟子梁惠王篇曰
時日曷喪予及汝偕
亡民欲與之偕亡雖
有臺池鳥獸豈能獨
樂乎

○林子曰築臺地

○集解云二傳意異
穀氏以我爲我疏云
今之胡且無誇示之
意要之不若公羊之
說也故此主其意

胡傳 何以書厲民也天子有靈臺以候天
地諸侯有時臺以候四時去國築臺
于遠而不緣占候是爲游觀之所厲民以
自樂也厲民自樂而不與民同樂則民欲
與之偕亡雖有
臺豈能獨樂乎

夏四月薛伯卒 ○築臺于薛 公羊傳何以書
譏何譏爾遠也

○六月齊侯來獻戎捷 左傳非禮也凡諸侯
有四方之功則獻于
王王以警于夷中國則否諸侯不相遺俘公
羊傳齊大國也曷爲親來獻戎捷威我也其
威我奈何施獲而過我也穀梁傳齊侯來獻
捷者內齊侯也不言使內與同不言使也獻
戎捷軍得日
捷戎救也

胡傳 軍獲日捷凡諸侯有四方之功則獻
于王王以警于夷中國則否諸侯不

○林氏曰秦善地

相遺俘獻者下奉上之辭齊伐山戎以其所得躬來請示書來獻者抑之也後世宰

秋築臺于秦

也穀梁傳何以書譏何譏爾臨國

林藪澤之利且財盡則怨力盡則對君子危之故謹而志之也或曰倚諸桓也桓外無諸侯之變內無國事越千里之險北伐山戎為燕辟地魯外無諸侯之變內無國事一年罷澤之利惡內也○冬不雨○公羊傳何以

三十有二年

齊桓二十四晉獻十五衛懿七蔡穆十三

鄭文十一曹僖九陳宣三十一杞惠十一宋桓二十秦成二楚成十

春城小穀

○夏宋公齊侯遇于梁丘

○林氏曰小穀齊管仲私邑

○林氏云公子牙慶父同母弟僖叔也是為叔孫氏

左傳齊侯為楚伐鄭之故請會于諸侯宋公請先見于齊侯夏遇于梁丘穀梁傳遇者志相得也梁丘在曹邾之間去齊八百里非不能從諸侯而往也辭所遇遇所不遇大齊桓也

附錄

左傳秋七月有神降于莘惠王問諸

明神降之監其德也將亡神又降之觀其惡也故有得神以興亦有以亡震夏商周皆有之王曰若之何對曰以其物享焉其至之日亦其物也王從之內史過往聞號請命及日號必亡矣虛而聽於神神居莘六月號公使祝應宗區史嚳享焉神賜之土由史嚳曰號其亡乎吾聞之國將興聽於民將亡聽於神神聰明正直而壹者也依人而行國多涼德其何土之能得

○集解云人臣無將將則反罪無赦蓋將者謂將其有意公子牙之將將欲弑莊公而立慶父也

秋七月癸巳公子牙卒

以夫人言許之。謂魯盟公。生子般焉。馮講于。梁氏女。公子觀之。圍人箒自牆外與之戲。子般怒。使鞭之。公曰。不如殺之。是不可鞭。箒有。力焉。能投蓋于稷門。公疾。問後於叔牙。對曰。慶父。林問於季友。對曰。臣以死奉般。公曰。卿者牙。曰。慶父。林成季使。以君命命。信叔待于。鍼卒氏使。鍼李酖之。曰。飲此。則有後。於魯國。不然。死且無後。飲之。歸及達泉。而卒。立叔孫氏。公羊傳。何以不稱弟殺也。殺則曷為不言。刺為季子諱殺也。曷為為季子諱殺。季子之。過惡也。不以為國欲緣季子之心而為之。諱。季子之過惡。奈何莊公病將死。以病召季子。季子至。而授之。以國政。曰。寡人即不起。此病。吾將焉致乎魯國。季子曰。般也在。君何憂焉。公曰。庸得若是乎。牙謂我曰。魯一。生一。及君。已知之矣。慶父也。存季子曰。夫何敢。是將為。

○陳哲云管叔將以天下亂周公誅之傳叔將以魯國亂季子誅之勢不同而同致于法蓋君臣之義周公季子之心一也

○季子公子友子牙弟也

○陸淳宋人

亂乎夫何敢俄而牙弑械成季子和藥而飲之曰公子從吾言而飲此則必可以無為天下戮矣必有後乎魯國不從吾言而不飲此則必為天下戮矣必無後乎魯國於是從其言而飲之飲之無僚氏至乎王堤而死公子牙今將爾辭曷為與親弑者同君親無將將而誅焉然則善之與曰然殺世子母弟直稱君者甚之也季子殺母兄何善爾誅不得碎兄君臣之義也然則曷為不直誅而酖之行誅乎兄隱而逃之使託若以疾死然親親之道也

胡傳

牙有今將之心而季子殺之其不言何善爾誅不得避兄君臣之義也曷為不直誅而酖之使託若以疾死然親親之道也陸淳曰季子恩義俱立變而得中夫子書其自卒以示無譏也得之矣

八月癸亥公薨于路寢

左傳子般即位次于路寢

何正寢也

梁傳路寢正寢也寢疾居正寢

正也男子不絕于婦人之毛以齊終也

胡傳 趙匡曰君終必於正寢就公卿也

位姦之窺也危病邪之伺也若蔽於隱是女子小人得行其志矣然則莊公以世適承國不為不貴唐公之後掩有龜蒙不為不強即位三十有一年不為不久薨于路寢不為不正而嗣子受禍幾至亡國何也夫倫不明而宗嗣不定兵柄不分而王威不立得免其身幸矣

冬十月己未子般卒

己未公穀作乙未般音仲使圍人犖賊子般于黨氏成季奔陳立閔

公羊傳子卒云子卒此其稱子般卒何君

○集解云魯周公之後龜蒙一山各在魯境內詩曰奄有龜蒙是也

○何氏曰天子諸侯皆有二寢一曰高寢二曰路寢三曰小寢

○林氏曰子般非公太子先君未葬故不稱爵不書殺諱之也

○黨氏魯大夫也聞人掌養馬者榮其名也

○集解云愚按季友之權已能行於子牙矣今般遇弑而季友出奔何也慶父之卒權在季天能盡奪故也

○乾天也坤地也程子曰天地萬物之本夫婦人倫之始

存稱世子君薨稱子其既葬稱子踰年稱公

胡傳 初公築臺臨黨氏見孟任生子般焉

氏慶父使犖賊般成季奔陳立閔公昔舜不告而娶恐廢人之大倫以對父且君于以為猶告也莊公過時越禮諺於易基乾坤詩始開雖大舜不告而娶之義甚矣而子般乃孟任之所出也胡能有定乎雖享國日久獲終路寢而嗣子見弑幾至亡國有國者可不以為戒哉


公子慶父如齊

毅梁傳此奔也其曰如何也諱莫如深深則隱苟有所兄

莫如深也

○仲桓南宮毛二諸侯各備見周書顧命篇

○集解云必有宰臣之命然後敢發兵者以制命統於尊也必二諸侯將命然後敢承者明宰臣雖尊命未可信也於以見其權之不屬於一人制命之不出於一已而天下自不亂也



胡傳

子般之卒慶父弒也。宣書出奔。其曰也。昔成王將終命大臣相康王。方是時掌親兵者。太公望之子伋也。宰臣召公奭命仲桓南宮毛取二于戈。虎賁百人于伋以逆嗣子伋。雖掌兵。非有宰臣之命。不敢發也。召公雖制命。非二諸侯將命。以行。伋亦不承也。兵權散主。不偏屬於一人。可知矣。今莊公幼年即位。專以兵權授之慶父。歲月既久。威行中外。其流至此。故於餘丘法不當書。而聖人特書慶父帥師。以志得兵之始。而卒書公薨。子般卒。慶父如齊。以見其出入自如。無敢計之者。以示後世其垂戒之義。明且遠矣。

狄伐邢 此狄入伐之始

春秋四傳卷之十

